

ახალი მთავრობის პრიორიტეტები მოგავალი ოთხი წლისთვის

მაგდა ლაკიაშვილი

პრემიერ-მინისტრი ვანო მერაბიშვილი მინისტრთა კაბინეტის ახალ შემადგენლობასა და განახლებულ სამოქმედო გეგმას პარლამენტს დღეს წარუდგინა, თუმცა ახლად დანიშნულმა პრემიერმა მთავრობის მომავალი ოთხი წლის პრიორიტეტები საზოგადოებას უკვე გააცნო. ჯანდაცვის ხელმისაწვდომობა, სოფლის მეურნეობის განვითარება და დასაქმება ის საკითხებია, რომლებზეც მთავრობა საკანონმდებლო ორგანოს მიერ ნდობის გამოცხადების შემდეგ იმუშავებს. უმუშევრობის მაჩვენებლის

შესამცირებლად სპეციალურად იქმნება ახალი - დასაქმების სახელმწიფო უწყება. ამ თანამდებობაზე კანდიდატი უკვე შერჩეულია. მერაბიშვილმა გუშინ გლდანში მშენებარე კვალიფიკაციის ამაღლების ცენტრის ტერიტორიაზე მოსახლეობასთან შეხვედრისას დასაქმების მინისტრის პოსტზე პაატა ტრაპაიძე დაასახელა. ტრაპაიძე კომპანია "კავკასუს როუდ პროფექტის" ხელმძღვანელის თანამდებობას იკავებდა. კომპანია საქართველოში 2005 წლიდან არსებობს. მისი ძირითადი საქმიანობის სფერო გზების, ხიდების, გვირაბების, აეროპორტის ასაფრენ-დასაფრენი ზოლის მშენებლობაა. კომპა-

ნია ხის კონსტრუქციებსა და პანელებსაც აწარმოებს.

პრემიერის თქმით, საქართველოში იზრდება ეკონომიკა, ვაჭრობა და ტურისტების რაოდენობა, მაგრამ ბევრმა ოჯახმა ამ განვითარების სიკეთე საკუთარ თავზე ვერ იგრძნო. ამიტომ, მერაბიშვილი მთავრობის მთავარ ამოცანად სწორედ ამ სარგებელის თითოეულ მოქალაქემდე მიტანას მიიჩნევს. ყოფილი შინაგან საქმეთა მინისტრი მზად არის, უმუშევრობის წინააღმდეგ ზუსტად ისე იბრძოდეს, როგორც წლების წინ კორუფციასა და კრიმინალს ბრძოდდა.

გაზრდილობა
80-3 გვირგვინი

რუსეთი ცენტრალურ აზიას ომებით აზინებს

ივა შილაკაძე

რუსეთის ცენტრალურ აზიაში საკუთარი სამხედრო-პოლიტიკური გავლენის შესაძლო შესუსტება იმდენად აშფოთებს, რომ მედიის საშუალებით შეფარულ მუქარაზეც გადავიდა. ამის პასუხად ტაჯიკეთმა უკმაყოფილება უკვე ღიად გამოხატა. ეს ყველაფერი, მიმომხილველების აზრით, განაპირობა ისევ უზბეკეთის გასვლამ კოლექტიური უსაფრთხოების ხელშეკრულების ორგანიზაციიდან და ტაჯიკეთთან მძიმედ მიმდინარე მოლაპარაკებებმა რუსული სამხედრო ბაზის ქვეყანაში დარჩენის შესახებ (ამ თემაზე სამი დღის წინ დანერგვით წერდა "24 საათი").



ვლადიმირ ჩირუკინი

გაზრდილობა
80-5 გვირგვინი

აფხაზები რუსების მოლოდინში

სალაშა გოგონია

მიუხედავად აფხაზეთის მარიონეტი ხელისუფლების განცხადებებისა, რომ რუსული ინვესტიციებით ომსგადარჩენილი სახლების, ქალაქების იერსახის აღდგენასა და შენარჩუნებას ცდილობს, ინტერნეტში გავრცელებული ფოტოები საპირისპიროზე მეტყველებს. დანგრეული ინფრასტრუქტურა, გადაბუგული სახლები, არასახარბიელო კრიმინოგენული სიტუაცია დღევანდელი აფხაზეთის რეალობაა.



გაზრდილობა
80-3 გვირგვინი

ჩეხეთის ანატომია

ესპანეთის ნაკრებმა ზედიზედ მეორედ მოიგო ევროპის ჩემპიონის ტიტული, შუალედში კი მსოფლიო ჩემპიონის გვირგვინიც დაიგდა. ახლა, როდესაც ემოციები ჩაცხრა, ევრო 2012-ზე "ფურია როხას" წარმატების მიზეზებზე ვისაუბროთ.

გუნდი, რომელმაც დიდი ტურინი ცენტრფორვარდის გარეშე მოიგო. ევროპისა თუ მსოფლიო ჩემპიონატის მოგება გუნდში ისეთი ადამიანის გარეშე, რომელიც პერსონალურადაა გოლზე პასუხისმგებელი, აქამდე შეუძლებლად ითვლებოდა. ვისენტე დელ ბოსკემ დაამტკიცა, რომ ეს შესაძლებელია.

შემტევი პარადოქსი

საეჭვოა, რომ ფეხბურთის ისტორიაში მოიძიოთ

გაზრდილობა
80-7 გვირგვინი



ანიმაციური "თოფუზი" 4 წლის ხდება

საკონკურსო ფილმების მიღების ვადა 31 ივლისს იწურება

ანა ნულუკიძე

სამხრეთ კავკასიის ქვეყნებში სულ სამი კინოფესტივალია, აქედან ორი საქართველოში ტარდება - ზამთარში თბილისის საერთაშორისო კინოფესტივალი, ხოლო ადრინამ შემოდგომაზე ბათუმი საავტორო კინოს მასპინძლობს. როგორც კი ამ ზღვისპირა ქალაქში საერთაშორისო სეზონი მიიწურება, კიდევ ერთი ფესტივალი, ამჯერად - ანიმაციური, აიღებს სტარტს. ასე გრძელდება უკვე მეოთხე წელია, ფესტივალს კი "თოფუზი" ჰქვია. მართალია, ფესტივალის ჩატარებამდე ჯერ კიდევ დიდი დროა დარჩენილი, ორგანიზატორებმა უკვე გამოაცხადეს საკონკურსო ნამუშევრების მიღება, რომელთა ჩაბარების ვადა 31 ივლისს იწურება.




THE 4TH INTERNATIONAL FESTIVAL OF ANIMATED FILMS 'TOFUZI'

გაზრდილობა
80-4 გვირგვინი

1 აშშ დოლარი	1.6451
1 ევრო	2.0704
1 ინგლისური გირვანკა	2.5877
1 თურქული ლირა	0.9053
100 რუსული რუბლი	5.0130
თბილისი	26°C - 18°C
ქუთაისი	27°C - 18°C
თელავი	26°C - 14°C
ზუგდიდი	25°C - 16°C
ბათუმი	24°C - 16°C
ნავთობი	2.67 -0.04 -1.44%
გაზი	2.80 -0.03 -0.97%
ოქრო	1,597.50 -6.70 -0.42%
ხორბალი	765.25 +8.00 +1.05%

"24 საათი" ელექტრონული ვერსია იხილეთ www.24saati.ge ჩვენი პარტნიორები:



ISSN 1987 9121



ფასდაკლების კუპონი

აქცია ექსკლუზივი



4 ივნისიდან 4 ივლისის ჩათვლით!

ექსკლუზიურად „24 საათის“ და „Weekend“-ის მკითხველისთვის!

- ამოჭერი კუპონი და მიიღე ექსკლუზიური ფასდაკლება „ბაკურ სულაკაურის გამომცემლობის“ წიგნებზე „საქართველოს ფოსტის“ პრესის ჯიხურებში მთელი საქართველოს მასშტაბით, თქვენთვის მოსახერხებელ ადგილას.
- აირჩიე 5 წიგნიდან შენთვის სასურველი 1 წიგნი და შეიძინე საუკეთესო ფასად!

ყვავი ცალიწინდა ოინგაზოგს	5.90	4.90
ჰარი პოტერი და საიღუმლო ოთახი	9.00	4.00
ფალიაშვილის ქუჩის ქაღალაძი	6.90	3.00
ქართული ანთროპოლოგია	17.90	11.90
კავკასიის გეოგრაფიკული ატლასი	15.90	11.00

საქართველოს ევროპული საბჭოს პრეზიდენტი ეწვევა

საქართველოს 4 ივლისს ევროპული საბჭოს პრეზიდენტი ჰერმან ვან რომპეი ეწვევა. როგორც გუშინდელ ბრიფინგზე საქართველოს საგარეო საქმეთა მინისტრის მოადგილემ ნინო კალანდამ განაცხადა, რომპეი საქართველოში ვიზიტის ფარგლებში მალაი დონის შეხვედრებს გამართავს - შეხვედბა საქართველოს პრეზიდენტსა და პარლამენტის თავმჯდომარეს. ვიზიტის ფარგლებში ევროპული საბჭოს პრეზიდენტი მოინახულებს ევროკავშირის სადამკვირვებლო მისიასაც.

"განსაკუთრებულ მნიშვნელობას ვანიჭებთ ევროკავშირთან სისტემატურ ურთიერთობას, ამიტომ ამ თანამშრომლობის ფარგლებში ყველა ვიზიტი მნიშვნელოვანია," - განაცხადა ნინო კალანდამ.

შემთხვევითობები "ქართულ ოცნებაში"

"ქართული ოცნების" პრესსპიკერი მაია ფანჯიკიძე "შემთხვევითობად" აფასებს იმ ფაქტს, რომ კოალიციის მიერ მაჟორიტარ კანდიდატად დასახელებულთა აბსოლუტური უმრავლესობა ბიძინა ივანიშვილის პარტიის წევრია.

"პროცენტული მონაცემები, თუ კოალიციაში შემავალი რომელი პარტიის წარმომადგენლები ჭარბობენ მაჟორიტარ კანდიდატთა სიაში, არ დამითვლია, მაგრამ ანალიზი უნდა გაკეთდეს მაშინ, როცა საერთო სურათი შეიქმნება. მაჟორიტარი კანდიდატების საკითხზე უმეტეს ოლქში გადაწყვეტილება მიღებულია, თუმცა მათი მხოლოდ მცირე ნაწილია ჯერ ოფიციალურად დასახელებული. ასე რომ, მხოლოდ შემთხვევითობა შეიძლება იყოს ის, რომ ჯერჯერობით ახალი პარტიის სახეები ჭარბობენ," - განაცხადა მაია ფანჯიკიძემ გუშინდელ პრესკონფერენციაზე.

ამასთან, მისი განმარტებით, "შემთხვევითობა" ისიც, რომ დასახელებული მაჟორიტარი კანდიდატების უმრავლესობა მამაკაცია.

"ჩვენს პარტიასა და კოალიციაში შემავალ ძალებში ძალიან ბევრი ქალია. შეიძლება, შემთხვევით მოხდა ის, რომ მაჟორიტარ კანდიდატებად ჯერჯერობით მხოლოდ მამაკაცები არიან დასახელებულნი. დამერწმუნეთ, ჩვენს საარჩევნო სიაში, ისევე როგორც მაჟორიტარობის კანდიდატებს შორის, ქალები მრავლად იქნებიან წარმოდგენილები," - აღნიშნა ფანჯიკიძემ.

გარდა ამისა, პრესკონფერენციაზე ფანჯიკიძემ მცხეთაში გუშინდელ გამართული აქცია შეაფასა და განაცხადა, რომ ეს "ქართული ოცნების" კიდევ ერთი გამარჯვება იყო.

კონტროლის პალატა სახელმწიფო აუდიტის სამსახური გახდა

საქართველოს კონტროლის პალატა სახელმწიფო აუდიტის სამსახურად გარდაიქმნა, ხოლო კონტროლის პალატის თავმჯდომარეს გენერალური აუდიტორი ეწოდა. შესაბამისი საკონსტიტუციო ცვლილებები უკვე ძალაშია.

სამსახურში განმარტავენ, რომ სახელწოდების ცვლილება საკადრო და სტრუქტურულ ცვლილებებს არ ითვალისწინებს.

"მიმდინარეობს აუდიტის საერთაშორისო სტანდარტების დანერგვის პროცესი, რამაც არსებითად შეცვალა უწყების ბუნება და როლი საჯარო ფინანსების მართვაში. მაკონტროლებელი საქმიანობის ნაცვლად, უწყება ახორციელებს თანამედროვე, რისკზე დაფუძნებულ აუდიტს. ამდენად, უწყებაში განხორციელებული ფართომასშტაბიანი ინსტიტუციონალური რეფორმა და მსოფლიო პრაქტიკა აისახა უწყების სახელწოდებაზე," - აცხადებენ სახელმწიფო აუდიტის სამსახურში.

შესაბამისად, შეიქმნა უწყების ახალი ვებგვერდი www.sao.ge და ფინანსური მონიტორინგის სამსახურის ვებგვერდი www.saomonitoring.ge, რომელზეც შესვლა შესაძლებელია როგორც დამოუკიდებლად, ასევე მთავარი ვებ-გვერდიდან. აღნიშნული ვებგვერდები ფუნქციონირებას მიმდინარე კვირის ბოლომდე დაიწყებს.

ვანო მერაბიშვილი პარლამენტში შეხვედრებს იწყებს

დათო გამოსონია

პრემიერ-მინისტრობის კანდიდატი ვანო მერაბიშვილი პარლამენტში ახალი სამთავრობო პროგრამის შესახებ საუბარს ფრაქციებთან შეხვედრაზე დაიწყო. გია ცაგარეიშვილის ინფორმაციით, დღეს პირველი განხილვა ფრაქციის "ერთობა სამართლიანობისთვის" წევრებთან გაიმართება, რასაც მოჰყვება შეხვედრები "ქრისტიან-დემოკრატიებთან" და "ერთიან ნაციონალურ მოძრაობასთან".

ოპოზიციას ვანო მერაბიშვილის მიმართ კითხვები უკვე ჩამოყალიბებული აქვს. "თავისუფალი დემოკრატიების" წევრი გია ცაგარეიშვილი საუბრობს მერაბიშვილის ინიციატივაზე, რომელიც 4 წლის ვადით 1000-ლარიანი ვაუჩერის გაცემას ეხება. "გვარტყრელებს 1000-ლარიანი ვაუჩერის დარიგების საკითხი რატომ 1000 და არა 2000 ან მეტი? საერთოდ, რა ლოგიკით მოქმედებს მთავრობა, - აღნიშნავს ცაგარეიშვილი, - ეს, სიცინალური პოპულიზმის სტილში

გაკეთებული საუკეთესო განცხადებაა. საქართველოში ყველა საღად მოაზროვნე ადამიანი მიხვდება, რა შეიძლება მოხდეს იმ შემთხვევაში, თუ ეს ადამიანები 3 თვის შემდეგაც ხელისუფლებაში დარჩებიან. მათ სურთ, რომ საბოლოოდ გაამთხოვონ ქართული საზოგადოება, მისი ყოფნა-არყოფნა, ფიზიკური არსებობა მთავრობას ჩაუგდონ ხელში," - უთხრა "24 საათს" გია ცაგარეიშვილმა.

ვიცე-სპიკერი "ქრისტიან-დემოკრატიებიდან" ლევან ვეფხვაძე მერაბიშვილის დაპირებას არასერიოზულად მიიჩნევს: "გადაუქმნოთ სოციალური, ჯანდაცვის, განათლების პროგრამები და სხვადასხვა სუბსიდიები სოციალურად დაუცველებისთვის. სანაცვლოდ დავარიგოთ 1000-ლარიანი ვაუჩერები. თუ ამ ყველაფერს აუქმებენ, მაშინ არა 1000-ლარიანი, არამედ 10 000-ლარიანი ვაუჩერები დარიგონ და მთელი ბიუჯეტი გადაიხარჯონ." - აღნიშნავს ვეფხვაძე.

ფრაქციებთან შეხვედრამდე პარლამენტის ბიუროს სხდომაზე პრემიერ-მინისტრობის კანდი-

დატს, ასევე მთავრობის განახლებული შემადგენლობის კანდიდატებს და მთავრობის პროგრამას დაარეგისტრირებენ. ფრაქციების შემდეგ საკითხს კომიტეტებზე 4 ივლისს განიხილავენ, პარლამენტის რიგგარეშე სხდომაზე კი საკადრო ცვლილებებისა და პროგრამის შესახებ 6 ივლისს იმსჯელებენ და კენჭს უყრიან.

ბიუროს გუშინდელ სხდომაზე ლევან ვეფხვაძემ მთავრობის პროგრამის გასაცნობად ვადა მოითხოვა. "მერაბიშვილმა პროგრამაში რომ ჩაწეროს, სპილო დაფრინავსო, ამას საპარლამენტო უმრავლესობა დაუფიქრებლად დაუჭერს მხარს. ჩვენ კი მისი გაცნობისთვის დრო გვჭირდება," - აღნიშნა ბიუროს სხდომაზე ლევან ვეფხვაძემ. მას პარლამენტის თავმჯდომარემ დავით ბაქრაძემ უპასუხა: "იმის ვარკვევას, სპილო დაფრინავს თუ არა, დიდი დრო არ სჭირდება." საუბარში ხათუნა გოგორიშვილი ჩაერთო და ლევან ვეფხვაძეს ხუმრობით მიმართა: "თუ მერაბიშვილი ჩაწერს, სპილო შეწვისაც იფრენს."

მთავრობის პროგრამის პა-

რალეულურად, პარლამენტში 2012 წლის ბიუჯეტში ცვლილების პროექტის განხილვა იწყება. პროექტი ბიურომ უკვე დაარეგისტრირა. საქმე ის არის, რომ დასაქმების სახელმწიფო მინისტრის აპარატის ჩამოყალიბებისთვის ბიუჯეტში კორექტირება იგეგმება. როგორც საფინანსო-საბიუჯეტო კომიტეტის თავმჯდომარე ზურაბ მელიქიშვილი ამბობს, ბიუჯეტის მაკროეკონომიკური პარამეტრების ცვლილება არ იგეგმება. რაც შეეხება სახელმწიფო მინისტრის აპარატის დაფინანსებას, მელიქიშვილის თქმით, პროექტს ფინანსთა მინისტრის მოადგილე პაპუნა პეტრიაშვილი ხვალ კომიტეტის სხდომაზე წარადგენს. მანამდე მელიქიშვილი არ აკონკრეტებს, რა თანხა გამოიყოფა ახალი აპარატის ფუნქციონირებისთვის.

მთავრობის საპარლამენტო მდივანმა გია ხუროშვილმა მხოლოდ ის აღნიშნა, რომ დასაქმების სახელმწიფო მინისტრის აპარატი საგარეო ვალის მომსახურებისთვის გათვალისწინებული თანხის ნაწილად დაფინანსდება.

ვიზიტორები და დანაშაული

შსს-ს ანალიტიკურმა დეპარტამენტმა საქართველოში უცხოელი ვიზიტორების მიმართ და მათ მიერ ჩადენილი დანაშაულების თაობაზე ანალიზი გააკეთა. აღმოჩნდა, რომ საქართველოში უცხოელი ვიზიტორების რაოდენობის მატებისასთან ერთად, შემცირებულია როგორც უცხოელების წინააღმდეგ ჩადენილი, ასევე, უცხოელების მიერ ჩადენილი დანაშაულები.

შსს-ს მონაცემებით, 2006 წელთან შედარებით, 2011 წლისთვის საქართველოში უცხო ქვეყნის მოქალაქეების ვიზიტების რაოდენობა საგრძნობლად გაიზარდა. 2006 წელს საქართველოში შემოვიდა 763 ათას 231 უცხო ქვეყნის მოქალაქე, გასულ წელს კი, 2 820 185.

შსს-ს მონაცემებით, გასულ წელს საქართველოში დანაშაული ჩადინა 34 უცხო ქვეყნის 353-მა მოქალაქემ. უცხოელმა ვიზიტორებმა ყველაზე მეტი დანაშაული ჩადინეს აჭარაში - 97, თბილისში - 78, სამცხე-ჯავახეთში - 77 და ქვემო ქართლში - 57.

შსს-ს ანალიზით, დანაშაულის ჩამდენი უცხო ქვეყნის მოქალაქეების ათეული ასე განაწილდა: ყველაზე მეტი - 92 დანაშაული ჩადინეს თურქეთის მოქალაქეებმა, სომხეთის მოქალაქეებმა - 76, რუსეთის - 31, ბანგლადეშის - 31, ირანის - 30, აზერბაიჯანის - 27, ინდოეთის - 10, უზბეკეთის -

9, ისრაელის - 8, უკრაინის - 5. უცხოელების მიერ საქართველოში ჩადენილი 5 ყველაზე გავრცელებული დანაშაულია: თაღლითობა - 12 ფაქტი, ქურდობა - 15, ოკუპირებულ ტერიტორიებზე შესვლის წესის დარღვევა - 30, დოკუმენტების გაყალბება - 37, საზღვრის უკანონოდ გადაკვეთა - 61.

შსს-ს მონაცემებით, გასულ წელს უცხოელების მიერ საქართველოში ჩადენილი მძიმე დანაშაულების რამდენიმე შემთხვევა აღირიცხა: იმერეთის რეგიონში სომხეთის მოქალაქის მიერ საქართველოს მოქალაქის მკვლელობა; სამცხე-ჯავახეთისა და ქვემო ქართლის რეგიონებში თურქეთისა და სომხეთის მოქალაქეების მიერ ჩადენილი კონტრაბანდის 3 ფაქტი; თბილისში, აჭარაში, ქვემო ქართლისა და კახეთის რეგიონებში აზერბაიჯანის, ჰოლანდიის, საბერძნეთის, თურქეთისა და სომხეთის მოქა-

ლაქების მიერ ჩადენილი ნაკროდანაშაულის 8 ფაქტი.

საქართველოში მყოფი უცხო ქვეყნის მოქალაქეების დანაშაულის ობიექტები სხვა უცხოელი ვიზიტორებიც გახდნენ. გასულ წელს თურქეთის მოქალაქეებმა თანამემამულეების მიმართ 6 დანაშაული ჩადინეს, უზბეკებმა - 4, თითო-თითო სომხეთის, ბანგლადეშის და ირანის მოქალაქეებმა. ერთი დანაშაული ინდოეთის მოქალაქემ ბანგლადეშის მოქალაქის მიმართ ჩადინა, ხოლო თურქეთის მოქალაქემ - უზბეკის მიმართ.

რაც შეეხება უცხო ქვეყნის მოქალაქეების მიმართ საქართველოში ჩადენილ დანაშაულებს: 2011 წელს აღირიცხა 309 დანაშაული 529 უცხოელი ვიზიტორის მიმართ.

შსს-ს მიერ შედგენილი მონაცემებით, დაზარალებულ უცხო ქვეყნის მოქალაქეთა ათეული ასე გამოიყურება:

ყველაზე მეტ შემთხვევაში დანაშაულის ობიექტი გახდნენ თურქეთის მოქალაქეები - 112, შემდეგ მოდიან ინდოეთის მოქალაქეები - 58, ირანის - 44, სომხეთის - 37, ჩინეთის - 27, რუსეთის - 25, უკრაინის - 23, აზერბაიჯანის

- 23, აშშ-ს - 17, უზბეკეთის - 17.

ყველაზე მეტი დანაშაული უცხოელი ტურისტების მიმართ მოხდა თბილისში - 265 ფაქტი და აჭარაში - 180 ფაქტი. ყველაზე ნაკლები კი გურიაში - 1 ფაქტი.

უცხოელების მიმართ ჩადენილი დანაშაულებიდან ყველაზე გავრცელებულია ხუთი კატეგორიის დანაშაული: ხულიგნობა - 19 ფაქტი, ძარცვა - 23, ჯანმრთელობის დაზიანება (ცემა) - 48, თაღლითობა - 37, ქურდობა - 267.

შსს-ს მონაცემებით, გასულ წელს უცხოელების მიმართ ჩადენილი მძიმე დანაშაულების რამდენიმე შემთხვევა აღირიცხა: საფრანგეთის მოქალაქის მკვლელობა თბილისში; თურქეთის და ყირგიზეთის მოქალაქეების დაყარალების 5 ფაქტი ბათუმსა და ქვემო ქართლის რეგიონში; უკრაინის, შვეიცარიის და აშშ-ს მოქალაქეების გაუპატიურების 3 ფაქტი თბილისსა და ბათუმში; უზბეკეთი მოქალაქის ტრეფიკინგი.

უცხოელების მიმართ ჩადენილი დანაშაულები მატულობს საკურორტო სეზონზე - ივლისი-აგვისტოს-სექტემბრის თვეებში და ამ დროს ყველაზე მეტი დანაშაული აღირიცხა აჭარაში.

პედაგოგთა სასაერთაშორისო გამოცდები დაიწყო

მარი ახსიაშვილი

გუშინ, 2 ივლისს, საგამოცდო პროცესში პედაგოგები ჩაერთნენ. მათ პირველი სასერტიფიკატო გამოცდა პროფესიულ უნარებში ჩააბარეს. გამოცდების ეროვნული ცენტრის დირექტორმა ხატია დეკანოიძემ და მასწავლებელთა პროფესიული განვითარების ეროვნული ცენტრის დირექტორმა გია მამულაშვილმა დარეგისტრირებულ მასწავლებელთა შორის ყველაზე ხანდაზმული პედაგოგი, მცხეთის რაიონის სოფელ პატარა ქანდას საჯარო სკოლის დანყებინი კლასის მასწავლებელი ლილია კუხალიშვილი ტესტირებულ უნივერსიტეტში რეგისტრაციის გასაველელად

მიაცილეს, წარმატებები უსურვეს და რეგისტრაციის პროცესს დაესრულნენ. გუშინ გამოცდაზე 7 894 პედაგოგი გავიდა. ჯამში პროფესიულ უნარებს წელს 31 880 ადამიანი აბარებს. პროფესიულ უნარებში გამოცდები მთელი საქართველოს მასშტაბით 2, 3, 4 და 5 ივლისს ჩატარდება. განათლებისა და მეცნიერების სამინისტროს ინფორმაციით, გასულ წელთან შედარებით, მნიშვნელოვნად მოიმატა სასერტიფიკატო გამოცდაზე გასვლის მსურველთა რაოდენობამ. 2011 წელს რეგისტრაცია 24 ათასამდე პედაგოგმა გაიარა, ხოლო 2012 წელს მათი რაოდენობა გაიზარდა.

"პედაგოგთა მოტივაციის ზრდა რამდენიმე ფაქტორმა განაპირობა, მათ შორის ერთ-ერთია ხელფასების

მატება. სერტიფიცირებული მასწავლებლების სახელფასო სქემა ასეთია: სერტიფიცირების დანამატი - 75 ლარი; ინგლისურისა და კომპიუტერის გამოცდის ჩაბარების შემთხვევაში - 200 ლარი; ინგლისურის და კომპიუტერის გამოცდის შედეგებით საუკეთესო 25 პროცენტში მოხვედრილ პედაგოგებს ხელფასი 1000 ლარი აქვთ; საბუნებისმეტყველო საგნებში ლაბორატორიული გამოცდის ჩაბარების შემთხვევაში კი პედაგოგის ხელფასი კიდევ 75 ლარი იზრდება," - განმარტავენ სამინისტროში.

მასწავლებლის სასერტიფიკაციო გამოცდების წლებანდელი განრიგი კი ასეთია:

2, 3, 4 და 5 ივლისი (პირველი სესია) - უნარები;

6 ივლისი (პირველი სესია) - ქართული ენა და ლიტერატურა (VII-XII); 11 ივლისი (პირველი სესია) - გეოგრაფია, ბიოლოგია, ისტორია, ქიმია, მათემატიკა (VII-XII); 12 ივლისი (პირველი სესია) - დანყებითი (I-IV) კლასების პედაგოგებისთვის;

13 ივლისი (პირველი სესია) - ქართული ენა და ლიტერატურა (I-VI), მათემატიკა (I-VI), ბუნებისმეტყველება (I-VI); 18 და 19 ივლისი (პირველი სესია) - უცხოური ენები (ინგლისური ენა, რუსული ენა, ფრანგული ენა და გერმანული ენა);

19 ივლისი (პირველი სესია) - სამოქალაქო განათლება, ფიზიკა.

გუშინდელი გამოცდის პარალელურად, სტუდენტურმა გაერთიანე-

ბამ "სტუდენტთა საინიციატივო ჯგუფმა" თბილისის სახელმწიფო უნივერსიტეტის მაღლივ კორპუსთან საპროტესტო აქცია გამართა. მონაწილეების განცხადებით, მათთვის მიუღებელი და შეურაცხმყოფელია ის ფაქტი, რომ პედაგოგებს, რომლებსაც მუშაობის მრავალწლიანი გამოცდილება აქვთ, პროფესიონალიზმის დამტკიცება ხელახლა უწევთ.

"მათ თავის დროზე აღებული აქვთ სახელმწიფო დიპლომები, აქვთ სტაჟი, თუმცა განათლებისა და მეცნიერების სამინისტროსთვის ეს არაფერს ნიშნავს. ფაქტია, რომ იმ დიპლომებს არაფერ აღიარებს," - განაცხადა "სტუდენტთა საინიციატივო ჯგუფის" ერთ-ერთმა ლიდერმა ალექსანდრე კობაიძემ.

გაზეთი "24 საათი" გამომცემელი შპს "მზა". რედაქტორ-გამომცემელი: გამაშა ფარუაშვილი, პაატა ვეშაპიძე.

რედაქცია: სოფიკო ჩხაიძე (მთავარი რედაქტორი), რედაქტორები: მაია ქალაგანიძე (საზოგადოება, Weekend), ინგა ალავიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი) სოფო კილასონია (რევიუ), კახა ფარუაშვილი (სპორტი). რედაქციის და მარკეტინგის მენეჯერი: ირაკლი ლეჟავა ტელ: 899 22 09 49. კომპიუტერული ცენტრი: თამაზ ჩხაიძე (მენეჯერი), ირა ჯიშკარიანი, თენგიზ ქორია, ნინო ყველაშვილი რედაქციის მისამართი: ქ.თბილისი, კოსტავას ქ. № 68, საზოგადოებრივი მაუწყებელი, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge

ახალი მთავრობის პრიორიტეტები მომავალი ოთხი წლისთვის

პირველი გვერდიდან

როგორც ვანო მერაბიშვილი ამბობს, მთავრობას არა აქვს სრული ინფორმაცია საქართველოში უმუშევრობის დონის მარკეტინგის შესახებ, ასევე არ არის დადგენილი, თუ რა ტიპის და რა პროცენტის ადამიანები ვერ პოულობენ ქვეყანაში სამსახურს.

„უფრო მეტიც, ზუსტად არ ვიცით, რა ტიპის პროფესიებსა და უნარებზეა მოთხოვნა საქართველოში. სწორედ ამიტომ, ყველაზე დიდი გამოწვევაა უმუშევრობა და ამ სენს ჩვენ უნდა შევებრძოლოთ. ამ პრობლემის მოგვარებისთვის შევქმნით სპეციალურ უწყებას - დასაქმების სამინისტროს, რომლის მთავარი ამოცანა დასაქმების პრობლემების შესწავლა და მათი გადაჭრის გზების ძიება იქნება. ჩვენი ბიუჯეტის დაგეგმვისას ფინანსების განვრცობის მთავარი კრიტერიუმი ის იქნება, თუ რამდენად დაეხმარება ეს მოქალაქეთა დასაქმებას,“ - განაცხადა ვანო მერაბიშვილმა. როგორც პრემიერი დასძინა, შეიქმნება ერთიანი ბაზა, სადაც და-

საქმების შესახებ ყველანაირი ინფორმაცია მოიყრის თავს. მთავრობა სამსახურის მაძიებლისა და უმუშევრის სტატუსის შემოღებასაც გეგმავს.

დასაქმების მიმართულებით რამდენიმე პროექტი უკვე დაგეგმილია. უახლესი 4 წელიწადში დამატებით 5 ათას კმ-ის გზა აშენდება, რაც, პრემიერის თქმით, 40 ათასი ახალი სამუშაო ადგილია. გარდა ამისა, საქართველოში 4 წლის მანძილზე 4 მილიარდი დოლარის უცხოურ ინვესტიციას ელოდებიან, რომელიც 50 ათას მოქალაქეს დასაქმებს. დასრულებულია 24 ახალი ჰიდროელექტროსადგურის მშენებლობაც და ამ დარგში 13 ათასი ადამიანი დაინიშნება.

მინისტრთა ახალი კაბინეტის მეორე პრიორიტეტი ჯანდაცვის სფეროა. მერაბიშვილის განცხადებით, პრეზიდენტის დაპირება, რომ 2013 წელს პენსია 100 დოლარი იქნება, ძალაში რჩება. გარდა ამისა, ამ კატეგორიისთვის საბაზისო სადაზღვეო პაკეტი ორ თვეში 140 ლარამდე იზრდება. პრემიერის ინიციატივით სახელმწიფო ბიუჯეტიდან 3 მილიარდი

ლარი გამოიყოფა, ეს თანხა 4 წელიწადზე გაიზარდება და ძირითადად ყველა მოქალაქის დაზღვევაზე დაიხარჯება.

ასევე **„პრიორიტეტი იქნება სოფლის მხარდაჭრა და ამ მიზნით საქართველოს სოფელსა და მისი განვითარებაში 4 მილიარდი ლარის ჩადებას ვაპირებთ, - ამბობს ვანო მერაბიშვილი, - ვდებ პირობას, რომ საქართველოს სოფელი საქართველოს გაძლიერების საფუძველი გახდება. ყველა სოფელში იქნება წყალი, დასრულებულია გაზიფიკაციის პროექტი, შევა შესაბამისი ხარისხის გზა და იქნება ინტერნეტი. ვაპირებთ, დამატებით 2000 ტრაქტორი და სხვა ტექნიკა შევიძინოთ იმისთვის, რომ სასოფლო-სამეურნეო ტექნიკაზე თითოეულ გლეხს მიუწვდებოდეს ხელი. ვაპირებთ, მინიმუმ, 500 სასოფლო-სამეურნეო სანარმოს აშენებას მომდევნო 4 წლის განმავლობაში. საქართველოში 90 ათასი ჰექტარი მიწა დამატებით მოიწვევება. 35 ათასი ჰექტარი მიწას გამოვტაცებთ ჭაობსა და ხელსაყრელს ვაცხდით სასოფლო სამეურნეო საქმიანო-**

ბისთვის.“ პრემიერის თქმით, მომავალი წლიდან საქართველოში თითოეულ ოჯახს გადაეცემა ოთხ ნელზე განერილი ათასლარიანი ვაუჩერი. პრემიერი დასძინა, რომ მთავრობა აძლევს ოჯახებს შესაძლებლობას, თავად მიიღონ გადაწყვეტილება და ეს თანხა იმ პრობლემის მოსაგვარებლად გამოიყენონ, რომელიც მათ აწუხებთ.

„ჩვენ გვაქვს წინადადება, რომ ათასლარიანი ვაუჩერით საქართველოს მოქალაქეებს შეეძლოთ დენის, გაზის, წყლის ან სხვა კომუნალური გადასახადების გადახდა, მედიკამენტების შეძენა, ბავშვებისთვის სკოლის სახელმძღვანელოების შეძენა. გლეხებმა შეძლონ სასოფლო-სამეურნეო ტექნიკის შეძენა, რათა ადამიანს ნებისმიერ დროს ჰქონდეს იმის გარანტია, რომ თუ მას გარკვეულ მომენტში დაუდგა პრობლემა, რომელიც არ არის ასახული ჩვენი მთავრობის საერთო გეგმაში, ამ პრობლემას თავად მოავგარებს,“ - განაცხადა მერაბიშვილმა.

აფხაზები რუსების მოლოდინში

პირველი გვერდიდან

სოჭთან შედარებით, აფხაზეთში დასვენება გაცილებით იაფია. ამიტომ რუსი ტურისტები ამ უკანასკნელს ირჩევენ, თუმცა ის, ვინც ერთხელ მაინც სტუმრობდა აფხაზეთს, იქ მეორედ აღარ მიდის და სხვებსაც იგივეს ურჩევს. რუსულ ფორუმებზე მომხმარებლები აფხაზეთში არსებულ კრიმინოგენულ სიტუაციებზე, მომსახურების დაბალ დონესა და გაუმართავ ინფრასტრუქტურაზე ჩივიან.

როგორც ჩანს, ამის საპირისპიროდ რუსეთი აფხაზეთში საზღვაო-საჰაერო ინფრასტრუქტურის გაუმჯობესებას გეგმავს. ამ მოტივით, „ვენეციის კომპანი“ (ვენე), რომელიც სოჭი-2014 ოლიმპიადის მშენებლობას აფინანსებს (საერთო ღირებულება 1,5 ტრილიონ რუბლს შეადგენს), აცხადებს, რომ მზადაა აფხაზეთის საკურორტო ზონის განვითარების პროექტი დააფინანსოს. რუსული ბანკი თანახმაა, რომ ახლად დაარსებულ შპს „გაგრა პარკ მარინას“ მშენებლობისთვის კრედიტი გამოეყოფს. პროექტის მესვეურები აფხაზეთში, შავის ზღვის სანაპიროზე გიგანტური რეკრეაციული კომპლექსის მშენებლობას გეგმავენ, რომლის ღირებულება 400 მილიონ დოლარადაა შეფასებული.

მანამდე კი, რუსული ტურისტული კომპანიები დამსვენებლების მიზიდვას სხვადასხვა ხერხით ცდილობენ.

„24 საათი“ ერთ-ერთ რუსულ საიტზე მითითებული კერძო სახლის მფლობელ ანჟელას დაუკავ-

შირდა, რომლის სახლი გაგრაში, დემერ-ჯიპას ქუჩის N125-ში მდებარეობს. რესპოდენტის თქმით, საზღვაო სეზონი მაისიდან გახსნილად ითვლება და სანაყისი ფასი დღეში კაცზე 200 რუბლია. ავგისტოში კი ფასი იზრდება და თითო კაცზე 350 რუბლს შეადგენს (კონდინციონერის, მაკიფრისა და ტელევიზორის ჩათვლით).

„რაც შეეხება ტურისტების უსაფრთხოებას, კრიმინოგენული სიტუაცია შედარებით გამოსწორდა. სტაბილურად არ ვიცით, მაგრამ კრიმინალური ფაქტები საგრძნობლად შემცირდა. მილიცია კარგად მუშაობს. დაგვიჯერეთ, ყველაფერი რიგზეა. ყოველწლიურად ტურისტების რაოდენობა იზრდება. მართალია, ნელ-ნელა, მაგრამ მომსახურების სერვისიც უმჯობესდება. სამწუხაროა, რომ ისინი, ვისაც აქ ჩამოსვლის სურვილი აქვთ, ამას ვერ ახერხებენ,“ - გვიპასუხა აფხაზმა რესპოდენტმა.

აფხაზეთიდან დევნილი 27 წლის ინგას აფხაზი ნათესავები სოხუმში ცხოვრობენ. ამბობს, რომ სურვილის მიუხედავად, ნათესავი სახლის გაქირავებას ვერ ახერხებს, მიზეზი ერთია - სახლი სანაპიროდან მოშორებით დგას.

დე ფაქტო აფხაზეთის ხელი-სუფლებების მტკიცების მიუხედავად, რომ აფხაზეთი ტურისტებისთვის მიმზიდველი და, ამასთან, უსაფრთხო ადგილია, ფორუმებზე რუსები საპირისპიროს წერენ.

რუსულ საიტზე „ტონკოსტი.რუ“ დამსვენებლების მონათხ-

რობის მიხედვით, აფხაზეთი ტურისტებისთვის უსაფრთხო ადგილი სულაც არ არის.

„ღამით თავს გვესხმიან და რისი გულისთვის? ნოუტბუქის გამო. კარებს გვიმტყვევენ. ამ დროს პოლიცია არაფერს აკეთებს. საშინელი სიტუაციის შესახებ პუტინს უნდა ვაცნობოთ. დამსვენებლებს მხოლოდ იმიტომ გვიტანენ, რომ სხვა გზა არ აქვთ. სამწუხაროა, რომ ასეთ ულაშაზეს მხარეში, რომელსაც რუსეთი ასე ეხმარება, დამსვენებლებს საზღვრად ექცევიან.“ - წერს ბლოგერი, რომელიც აფხაზეთში უკვე იმყოფებოდა (წერილი 2012 წლის 29 ივნისით თარიღდება).

აფხაზეთში არსებული გაუმართავი ინფრასტრუქტურისა და კრიმინოგენული სიტუაციის შესახებ საუბრობენ ექსპერტებიც.

ექსპერტთა კლუბის წევრის, გოჩა გვარამიას თქმით, ომის შემდგომ სანატორიუმები გაგრასა და ბიჭვინთაში შენარჩუნებული. **„ჯერ კიდევ ბაგაფმის დროს, დე ფაქტო ხელისუფლებამ საკურორტო სეზონის დასრულების შემდეგ თქვა, რომ აფხაზეთს მილიონზე მეტი ტურისტი სტუმრობდაო. თუმცა, გარკვეული დროის შემდეგ აღიარეს, რომ აფხაზეთს 200 000-მდე ტურისტი სტუმრობდა. დე ფაქტო ხელისუფლება რიცხვებს შეგნებულად ბერავს. რუსი ტურისტები, აფხაზეთიდან დაბრუნების შემდეგ, ბლოგებში წერენ, როგორ დაისვენეს, როგორია მომსახურების დონე, ადგილობრივი მოსახლეობის დამოკიდებულება. აფხაზეთში ერ-**

თხელ ნამყოფი, მეორედ იქ აღარ მიდის და სხვასაც იგივეს ურჩევს. ამბობენ, რომ ადგილობრივი მოსახლეობა ტურისტების მიმართ კეთილგანწყობილი სულაც არ არის, ტურისტები მეორეხარისხოვნად თვლიან, ხშირია ძარცვის და ქურდობის ფაქტები. სხვა საკითხია, როცა ერთსა და იმავე ოჯახში ისვენებენ. მათ მიმართ სხვა დამოკიდებულება აქვთ, მაგრამ საკმარისია სახლს გასცდნენ, რესტორანში შევიდნენ და დამოკიდებულება მომენტალურად იცვლება. ფასი და მომსახურება ერთმანეთს არ შეესაბამება. აფხაზეთის დასასვენლად ჩასული ტურისტი, უსაფრთხოების თვალსაზრისით, დაცული არ არის. განსაკუთრებით ქალების ის კატეგორია, რომლებიც მამაკაცის გარეშე ჩადიან. გაუპატიურების შემთხვევებიც ყოფილა,“ - ამბობს გვარამია.

ექსპერტი აფხაზეთის საკითხებში გია ლომია: **„ის რასაც რუსული ტურისტული სააგენტოები წერენ, სიმართლეს არ შეესაბამება. მომსახურების ძალიან დაბალი დონეა. ხშირია ქურდობისა და ყაჩაღობების ფაქტები. რუსულ სამხედრო პანსიონატებში შედარებით უკეთესი სიტუაციაა და იქ ცხოვრებენი დაცულები არიან. რუსებმა და თურქებმა საკმაოდ ბევრი სანატორიუმი გააუმჯობესეს, რომელიც ომს გადაურჩა, მაგრამ ეს ზღვაში წვეთია. ეს მასისთვის არ არის. რუსები იმ შენობებს არემონტებენ და აახლებენ, რომლის პრივატიზაცია მოახერხეს.“**

პასუხი რუსეთის საგარეო საქმეთა სამინისტროს განცხადებაზე

საგარეო საქმეთა მინისტრის მოადგილე ნინო კალანდაძე არ იზიარებს რუსეთის საგარეო საქმეთა სამინისტროს განცხადებას, თითქოს 27 ივნისს გალის ინციდენტების პრევენციისა და მათზე რეაგირების მექანიზმების ფარგლებში შეხვედრა, რომელიც ექსპერტების დონეზე უნდა გამართულიყო, ქართული მხარის მიზეზით ჩაიშალა. ამის შესახებ კალანდაძემ გუშინ საგარეო საქმეთა სამინისტროში გამართულ ტრადიციულ პრესკონფერენციაზე განაცხადა.

კალანდაძის თქმით, ეს შეხვედრა ბოლომდე დაგეგმილი არ იყო. მხოლოდ საუბრის დონეზე განიხილებოდა, რომ უნდა შემდგარიყო.

„ინციდენტების პრევენციისა და მათზე რეაგირების მექანიზმების შეხვედრების ჩაშლას რუსეთის ხელისუფლებამ მიზანმიმართულად შეუწყო ხელი და ეს აფხაზეთში მათი წარმომადგენლების მხრიდან გაკეთდა. ამ მექანიზმების შენარჩუნება გვსურს, თუმცა წინააღმდეგობა რუსეთის ფედერაციის მხრიდან ნაშობიდა და იმედი გვაქვს, შევძლებთ, განვაახლოთ,“ - განაცხადა ნინო კალანდაძემ.

დევნილებმა საპროტესტო აქცია გამართეს

აფხაზეთიდან დევნილებმა ლტოლვილთა და განსახლების სამინისტროსთან საპროტესტო აქცია გამართეს და საცხოვრებელი ფართებით დაკმაყოფილება თხოვეს.

როგორც „ინტერპრესნიუსი“ დევენილთა სამოქალაქო მოძრაობის წარმომადგენელ მზია კორსანტიას განცხადებაზე დაყრდნობით იუწყება, თავად და სხვა რამდენიმე ოჯახი ინფექციური ფართებით ტერიტორიის ცხოვრებად იყენებენ, სადაც გასულ წელს მივიდნენ ლტოლვილთა სამინისტროს წარმომადგენლები და, უკეთესი საცხოვრებელი ფართის შეთავაზების მოტივით, ტერიტორიის დატოვება მოსთხოვეს. კორსანტიას განცხადებით, ენდნენ ლტოლვილთა სამინისტროს, დატოვეს ინფექციური საავადმყოფოს ტერიტორია და ნაქირავებში გადავიდნენ, თუმცა მას შემდეგ ლტოლვილთა სამინისტროს მათთვის ყურადღება აღარ მიუქცევია.

აქციის მონაწილე დევნილების თქმით, ლტოლვილთა სამინისტროს არანაირი ყურადღება არ გამოუჩენია მათ მიმართ და კობა სუბელიანმა დაკმაყოფილა მხოლოდ ის დევნილები, რომლებიც „ნაციონალური მოძრაობის“ მომხრეები არიან.

„ჩემი თვალთ მათგან ნანახი, რა პირობები შეუქმნეს იმ დევნილებს, რომლებიც „ნაციონალური მოძრაობის“ მომხრეები არიან. ისინი, ძირითადად, ზღვისპირეთში ჩაასახლეს, ხოლო ჩვენ ფოცხოვერსა და ისეთ ადგილებში გვპირდებიან საცხოვრებელ სახლებს, სადაც არანაირი პირობა არ არსებობს და შიმშილით სიკვდილი გველოდება,“ - განაცხადა ერთ-ერთმა დევნილმა.

„მეესტრომ“ 2-მილიონიანი ზარალი ნახა

ტელეკომპანია „მეესტროს“ ყოფილი ოფისის მესაკუთრე ცისანა მალალაშვილი და „მეესტროს“ გენერალური დირექტორი ბაჩო კვიციანი გუშინ შენობაში შევიდნენ.

სახლის მესაკუთრეებმა რამდენიმე ოთახის კარი გააღეს, მეორე და მესამე სართულზე არსებული ოთახების გასახსნელად კი ხელოსნის დახმარება დასჭირდა.

„მეესტროს“ გენერალური დირექტორის თქმით, შენობიდან 2 მილიონ დოლარამდე ღირებულების ტექნიკაა ნაღებული. ადვოკატები აცხადებენ, რომ ეროსი კონსტრუქციის ნიხანამდევე სასამართლოში სარჩელს შეიტანენ.

News.ge-ის ინფორმაციით, ადვოკატები პოლიციას 11:00 საათიდან იძიებდნენ, თუმცა პატრული ტელეკომპანია „მეესტროს“ შენობაში მას შემდეგ მივიდა, რაც „მეესტროს“ გენერალურმა დირექტორმა დარეკა. გამოძიებას კრიმინალური პოლიცია აწარმოებს.

ახალი მანქანებით სამარშრუტო ხაზების დაკომპლექტება დასრულდა

თბილისში სამარშრუტო ტაქსების შემოყვანისა და ახალი მანქანებით ხაზების დაკომპლექტების პროცესი დასრულდა. თბილისის მერმა გიგი უგულავამ გუშინ კომპანია „თბილისის მიკროავტობუსის“ ავტოსადგომი დათვალა, რა, სამარშრუტო ტაქსების გამართულობა შეამონმა და ამ სფეროში დასაქმებულ ადამიანებს გაესაუბრა.

დედაქალაქის მერიის ინფორმაციით, თბილისის ყველა უბანში მოსახლეობას ახალი, ყვითელი სამარშრუტო ტაქსები მოემსახურება. სულ ხაზზე 2 464 სამარშრუტო ტაქსი ივლისს. როგორც მერიამ აცხადებენ, კომპანია ადგილობრივ ვალდებულება სრულად შეასრულა და მანქანების ჩამოყვანის პარალელურად, სამუშაო ადგილები შეუნარჩუნდა ყველა იმ მძღოლს, რომელიც ადრე ძველ მანქანებზე მუშაობდა. აღნიშნულ სფეროში ამჟამად 4 500-ზე მეტი ადამიანია დასაქმებული.

„ახალი მიკროავტობუსები სამუშაო დროის დასრულების შემდეგ კომპანია „თბილისის მიკროავტობუსის“ კუთვნილ ავტოსადგომზე ჩერდება. ყოველდღიურად თითოეული მანქანა ავტოსადგომის სამრეცხაოში ირეცხება, ტექნიკურ დათვალადაც გადის და მხოლოდ ამის შემდეგ ემსახურება მოსახლეობას,“ - აცხადებენ მერიამ.

ამასთან, 1-ელი ივლისიდან სამარშრუტო ტაქსებში სავალდებულო გახდა კონდიციონერების სისტემის ჩართვა, რასაც კომპანია მკაცრად აკონტროლებს.

დავით ჭალაღანია ჰანს იორგ შაბერს შეხვდა

საქართველოს საგარეო საქმეთა მინისტრის მოადგილე დავით ჭალაღანია ვეროკავშირის საგარეო ურთიერთობათა სამსახურის კრიზისული სიტუაციების მართვის სამოქალაქო ოპერაციების ხელმძღვანელ ჰანს იორგ შაბერს შეხვდა.

საგარეო საქმეთა სამინისტროს ინფორმაციით, მხარეებმა საქართველოში ვეროკავშირის სადამკვირვებლო მისიის როლთან დაკავშირებული აქტუალური საკითხები განიხილეს. საუბარი ასევე შეეხო, ზოგადად, ვეროკავშირის მონაწილეობას შენევის საერთაშორისო მოლაპარაკებების ფორმატში.

"ლეიბორისტული პარტიის" სარჩელი არ დაკმაყოფილდა

თბილისის საქალაქო სასამართლოს ადმინისტრაციული საქმეთა კოლეგიის გადაწყვეტილებით, არ დააკმაყოფილა შალვა ნათელაშვილისა და საქართველოს „ლეიბორისტული პარტიის“ სარჩელი, რომლითაც ის საქართველოს მთავრობის დადგენილების ძალადაკარგულად გამოცხადებას ითხოვდა.

მოსარჩელე საქართველოს მთავრობის იმ დადგენილებას ასაჩივრებდა, რომლითაც „112“-ის მომსახურების საფასური სატელეფონო კომპანიების აბონენტებმა უნდა გადაიხადონ. იმავე დადგენილების მე-2 მუხლით

დამტკიცდა, რომ ყოველ კალენდარულ თვეში ფიზიკურმა პირებმა უნდა გადაიხადონ - 20 თეთრი, ხოლო იურიდიულმა პირებმა - 50 თეთრი. იგივე ტარიფი დაწესდა მობილური სატელეფონო მომსახურების მიმღები აბონენტებისთვის

ვის სააბონენტო ნომერზე.

მოსარჩელის განცხადებით, თითოეულ აბონენტს საკუთრებაში აქვს მრავალი სატელეკომუნიკაციო საშუალება და ისინი იძულებული არიან „112“-ის საფასური გადაიხადონ იმდენჯერ, რამდენი სატელეკომუნიკაციო საშუალებაც გააჩნიათ, ვინაიდან, თითოეულ ნომერზე ცალკე ხდება აღნიშნული თანხის დარიცხვა.

მოპასუხე არ დაეთანხმა მოსარჩელის სასარჩელო მოთხოვნას

და განმარტა, რომ სასარჩელო მოთხოვნა დაუსაბუთებელია და მისი დაკმაყოფილების საფუძველი არ არსებობს.

სასამართლო გაცნო საქმის მასალებს, შეამოწმა სარჩელის საფუძვლიანობა, შეაფასა წარმოდგენილი მტკიცებულებები და მიიჩნია, რომ სარჩელი არ უნდა დაკმაყოფილდეს, რადგან არ დადასტურდა გასაჩივრებული დადგენილების კანონთან შეუსაბამობა.

ანიმაციური "თოფუზი" 4 წლის ხდება

პირველი გვარდიანა

ფესტივალი საერთაშორისო, ამრიგად, მასში მონაწილეობას სხვა, ანიმაციური კინოს გაცელებით ძლიერი და განვითარებადი ტრადიციების მქონე, ქვეყნებიც მიიღებენ. ეს კი ნიშნავს, რომ ჩვენს ანიმაციურებს დიდი გარჯა მართებთ, რომ უცხოელ კოლეგებს ღირსეული კონკურენცია გაუწიონ. ნებისმიერ შემთხვევაში, ისინი "საკუთარ მოედანზე" თამაშობენ, რაც ალბათ ერთ დამატებით ქულასაც ნიშნავს.

31 ივლისამდე ფესტივალის პროგრამაში შესულ ყველა ფილმს შესაბამის ნომინაციაში გადაანანილებენ. ნომინაციების ჩამონათვალი კი ამგვარია: საუკეთესო ფილმი უფროსებისთვის, საბავშვო ფილმი, დებიუტი, ექსპერიმენტული ფილმი, სერიალი, ინტერნეტფილმი, საუკეთესო რეჟისორი, სცენარისტი, კომპოზიტორი, საუკეთესო ტექნოლოგია, ქართული ფილმი და ბავშვების მიერ შექმნილი საუკეთესო ფილმი. ცხადია, ფესტივალს გრანპრიც აქვს - "თოფუზის" მონაწილეთა მთავარი სამიზნე სწორედ ეს პრიზი იქნება.

"თოფუზი" არ გახლავთ მხოლოდ ფილმების ჩვენება და გამარჯვებულთა დაჯილდოება. მისი უმთავრესი მიზანია, ხელი შეუწყოს შემოქმედებითი გამოცდების გაცვლას, ახალი იდეების ძებნასა და, რაც მთავარია, ქართული ანიმაციის ინტეგრაციას მსოფლიო კინოს სამყაროში. კონკურსის გარდა, ფესტივალის ფორმატი ფილმების ჩვენებასა



შარშანდელი გამარჯვებული ფილმი "ამარ"

და მათ შემდგომ განხილვასაც ითვალისწინებს, რაც ფესტივალის სამუშაო პროცესს უფრო ცოცხალს ხდის. ასევე მთავარი სემინარი გახლავთ ქართველი და უცხოელი ანიმაციორების შეხვედრა და მომავალი თანამშრომლობის, კოპროდუქციების შექმნის დაგეგმვა, რაც ჩვენს ანიმაციას ძალიან სჭირდება.

ფესტივალი წელს მეოთხედ ტარდება და ის ბალტიისპირეთის ქვეყნებში პოპულარული და მსოფლიოში ცნობილი, ანიმაციური ფილ-

მების ფესტივალ "ბიზინის" ერთგვარი გაგრძელება გახლავთ. 2008 წელს ქართულმა მხარემ ბალტიისპირელ კოლეგებთან მოლაპარაკების საფუძველზე "ბიზინი" ბათუმში ჩაატარა. იმთავითვე ფესტივალის პარტნიორები იყვნენ საქართველოს კულტურისა და ძეგლთა დაცვის სამინისტრო, ეროვნული კინოცენტრი, ბათუმის მერია, განათლების სამინისტრო, აჭარის კულტურისა და სპორტის სამინისტრო და სხვა ორგანიზაციები. პირველივე ფესტი-

ვალს 40-ზე მეტი ქვეყნის წარმომადგენელი ესტუმრა, რომლებმაც ხუთასამდე ფილმი წარმოადგინეს. 2009 წლიდან "თოფუზის" ერა დაიწყო: "ბიზინი" ლიტვაში დაბრუნდა, საქართველოში ანიმაციის განვითარების ფონდის საინიციატივო ჯგუფმა კი საკუთარი ფესტივალი დააარსა.

შარშან გრანპრი ესპანურმა ფილმმა "ამარ" აიღო, უფროსებისთვის განკუთვნილ საუკეთესო ფილმად ფრანგული "სადაც ძაღლები

ილუპებიან" დაასახელეს, ხოლო პატარების რჩეული არგენტინელი ხუან პაბლო ზარამელას "ოპერაში" აღმოჩნდა. საუკეთესო დებიუტანტის სტატუსი მოიპოვა ფინელმა ჟარი ვაარმა ფილმისთვის "დაბადების დღე", ხოლო "პლანეტა ზეტის" ავტორი, ფრანგი მომუკო სეტო საუკეთესო ექსპერიმენტული ფილმის ავტორად აღიარეს. ჯილდო ერგო ქართულ ნამუშევარსაც - საუკეთესო ინტერნეტფილმის წოდება დავით კოპალეიშვილის "ნათებას" მიანიჭეს. აღსანიშნავია, რომ ფესტივალის მონაწილე ფილმებს, პროფესიონალთა გარდა, ბავშვებისგან შემდგარი ჟიურიც აფასებს, რაც უკვე "თოფუზის" ერთგვარ ტრადიციად ჩამოყალიბდა.

რაც შეეხება ფესტივალის სახელწოდებას, მისი ისტორია დაახლოებით საუკუნეს ითვლის. თოფუზი მეოცე საუკუნის დასაწყისში აჭარაში მცხოვრები მოცეკვავეს მეტსახელი ყოფილა, რომელმაც ხალხს თავი იმით დაამახსოვრა, რომ სიმსუქნისა და მოჩვენებითი მოუქნელობის მიუხედავად, მუსიკის გაგონებისთანავე ფეხის წვერებზე დგებოდა და პატარა ბიჭვით აცეკვებოდა ხოლმე. ფესტივალის სიმბოლოც სწორედ მოცეკვავე თოფუზი გახლავთ.

აქვე შეგახსენებთ, რომ თავად ფესტივალი ბათუმში 3 ოქტომბერს გაიხსნება, ხოლო 6 ოქტომბერს გამარჯვებულთა დაჯილდოების ცერემონილით დაიხურება.

ჰერსტის ორსული ქალი ჰუმბოლტისის

დემიენ ჰერსტიმ ბრიტანეთის ერთ-ერთი ქალაქის - ილფრაკუმუს მუნიციპალიტეტს მიმართა შეთავაზებით, დაიდგას მის მიერ შექმნილი 20-მეტრიანი ქანდაკება - ფეხმძიმე ქალი ხმლით ხელში. მხატვრის მორიგი აქტიურობის შესახებ "ბიზისი" იუწყება.

მსოფლიოში ერთ-ერთი ყველაზე მდიდარი მხატვარი აღნიშნულ ნამუშევარს "ჰუმბოლტისის" არქმევს და ქალაქს უფასოდ 20 წლით გადასცემს. ინდლისის კულტურული მემკვიდრეობის დაცვის ორგანიზაცია "ინდლისის მემკვიდრეობა" უკვე აღნიშნავს, რომ ჰერსტის ქმნილების გამო ინგლისის ქალაქი ილფრაკუმუს აუცილებლად

მიიზიდავს საზოგადოებასა და ტურისტებს.

ორსული ქალი მარცხენა ხელში ხანჯლით, მარჯვენაში კი სასწორით, რომელზეც ნიგნები დალაგებული, "სიმართლისა და მართლმსაჯულების" თანამედროვე ანალოგიად შეიძლება აღვიქვათ.

თუკი კულტურული მემკვიდრეობის ორგანიზაციის საბჭო თანხმობას განაცხადებს, ჰერსტის სკულპტურა დამონტაჟდება. მხატვარს შემთხვევით არ შეურჩევია აღნიშნული ქალაქი. საქმე ის არის, რომ აქ მას აქვს რესტორანი; ამას გარდა, როგორც "ბიზისი ნიუსი" იუწყება, ამ ზღვისპირა ქალაქს აქვს სურვილი, ბევრად

მეტს წარმოადგენდეს, ვიდრე ძველი ვიქტორიანული კულტურის კურორტი. 2010 წელს ქალაქის ხელმძღვანელობას იმიჯის ცვლილებისთვის სერიოზული კამპანია წამოუწყია. ამ პროცესში ყველაზე დიდ აქცენტებს თანამედროვე ხელოვნების პროექტებზე აკეთებენ.

ამიტომაც გასაკვირი არ უნდა იყოს, რომ მათი სამიზნე, არც მეტი, არც ნაკლები, დემიენ ჰერსტი გახდა. ჰერსტისთვის კი ქალაქი, სადაც ბევრი ბული იყრის თავს. ის ხომ ერთ-ერთი ყველაზე ძვირადღირებული მხატვარია ჩვენს თანამედროვეობაში. ამჟამად "ტეტიტ გალერეაში" მისი რეტროსპექტიული გამოფენა მიმდინარეობს. ამ გამოფენაზე ჰერსტის ყველაზე ცნობილი და რესპონანტული ნამუშევრებია თავმოყრილი.



ადამიანები ავსტრიიდან მიდიან

კიდევ ერთი ბრიტანელი ხელოვანის, სკულპტორ ენტონი გორმლის პროექტს არცთუ დიდი წარმატება ხვდა წილად. თუმცა ეს უკვე ავსტრიის მიწაზე მოხდა. საქმე ის არის, რომ ავსტრიის ფორალბერგის მთებში ორი წლის წინ დამონტაჟდა სკულპტორის 100 სკულპტურა. პროექტის ორგანიზატორების სურვილით, ქანდაკებები დიდი ხნით უნდა დარჩენილიყო ადგილზე, თუმცა ორი დღის წინ ცნობილი გახდა, რომ ავსტრიის ხელისუფლებამ იდეა უარყო. განაცხადეს, რომ პროექტი, როგორც აქცია, ზაფხულშივე დასრულდება.

ბრინჯაოს სკულპტურები ადამიანის ზომებში 2010 წელს გამოჩნდნენ ავსტრიის მთებში. როგორც ავსტრიული პრესა იუწყებოდა, ბუნებაში მათი არსებობა მცხოვრებლებსა და ტურისტებში არაერთგვაროვან დამოკიდებულებას იწვევდა. მათგან უმრავლესობას ერთი შეხედვით ეგონა, რომ კლდის პირას ადამიანები იდგნენ, რომლებიც ხეობაში გადასაჩხვად ემზადებოდნენ. ამას ემატებოდა ისიც, რომ ნამუშევრები ვანდალიზმის მსხვერპლნიც ხშირად გამხდარან. გორმლის სხვა, ამის მსგავსი "ადა-



მიანები" გამოფენილია ლონდონსა და ნიუ იორკში და მათ ყველაგან უღარესი პატივისცემითა და სიამაყით იცავენ. მაგალითად, ლივერპულთან ახლოს

მისი "სხვა ადამიანები" დროებით, 2007 წლამდე უნდა მდგარიყვნენ, თუმცა, საზოგადოების თხოვნით, ისინი იქ სამუდამოდ დარჩნენ.

ისლამისტები ტიბეტურ ისტორიულ ქობლას ანადგურებენ

ივა შილაკაძე

მალიში ისლამისტების ხელში აღმოჩნდა ისტორიული ქალაქი ტიმბუქტუ, რომელიც ისლამური წმინდანების 16 მავზოლეუმი. ეს მავზოლეუმები "იუნესკოს" მიერ მსოფლიოს კულტურული ძეგლების სიაშია შეტანილი. სამწუხაროდ, ამ ძეგლებს უახლოეს დღეებში განადგურება ემუქრება. დაჯგუფება "ანსარ-დინ"-ის ბოეიკებმა მათი ნგრევა შაბათს დაიწყეს და მთლიანად მათ მოსპობას აპირებენ.

დაჯგუფება "ანსარ-დინი" ისლამის ფუნდამენტური მიმართულების მიმდევარია. მათ აქვთ კავშირები "ალ კაიდასთან". მათთვის წმინდანების კულტი კერპთაყვანისმცემლობის გამოვლინებაა. მუსულმანების უმრავლესობისთვის, რომლებიც ამ რელიგიის ტრადიციულ ფორმებს აღიარებენ (მაგალითად, სუფიებისთვის), წმინდანების პატივისცემა ნორმალური მოვლენაა.

მალიში ისლამისტებმა ისარგებლეს ქვეყანაში მომხდარი სამხედრო გადატრიალებით და, ტუარეგების მომთაბარე ტომის მებრძოლებთან ერთად, ქვეყნის ჩრდილოეთ ნაწილში მნიშვნელოვანი ტერიტორია დაიკავეს. გადატრიალების ერთ-ერთი მიზეზი სწორედ ის იყო, რომ, სამხედროების აზრით, ხელისუფლება კარგად ვერ ებრძოდა ამბოხებულებს, თუმცა ხელისუფლების უკანონო ცვლილების შემდეგ სიტუაცია სერიოზულად გართულდა. მოგვიანებით ტუარეგებსა და ისლამისტებს შორის განხეთქილება მოხდა და "ანსარ-დინმა" მომთაბარე ტომის მებრძოლებს სხვა სახელმწიფოებისკენ დაახვეწინეს. შედეგად, მალის ჩრდილოეთ ნაწილს ამჟამად მხოლოდ "ანსარ-დინის" ისლამისტები აკონტროლებენ.

შაბათს მათი მებრძოლები წერაქვებითა და ნიჩბებით შეესივნენ მუსულმანი წმინდანე-



ბის მავზოლეუმებს და ნგრევა დაუწყეს. თვითმხილველთა ცნობით, უკვე კვირას დანგრეული იყო ერთიდან სამამდე მავზოლეუმი. ნგრევა მათ სიდიდით მსგავსი მავზოლეუმით დაიწყო, რომელსაც რადიკალი ისლამისტები აპრილიდან დაიწყეს. მაშინ მას ცეცხლი გაუჩინეს. დაჯგუფება "ანსარ-დინის" წარმომადგენელმა მედიას განუცხადა, რომ ტიმბუქტუს ყველა აკლამას "გამონაკლისის გარეშე" დაანგრევენ. "იუნესკოს" წარმომადგენელმა აღიხანდა კამინსმა მავზოლეუმების დანგრევის თაობაზე განაცხადა, რომ "ეს ტრადიციული ცნობაა ყველა ჩვენგანისთვის. მე მოვუწოდებ კონფლიქტის ყველა მხარეს ტიმბუქტუში პასუხისმგებლობის გამოჩენისკენ."

შუა საუკუნეებში ტიმბუქტუ განვითარებული სავაჭრო ცენტრი იყო. ის საპარის სამხრეთ ნაწილში მდებარეობს. ქალაქი ცნობილია თავისი უჩვეუ-

ლო არქიტექტურით. შენობები, ძირითადად, თიხისა და ხისგან არის აგებული. ტიმბუქტუ ცნობილია აგრეთვე ძველი ხელნაწერების საცავებით. ამ ქალაქში 60 სხვადასხვა კერძო ბიბლიოთეკაში 700 ათასზე მეტი ხელნაწერი ინახება. ტიმბუქტუს 333 წმინდანის ქალაქსაც უწოდებენ.

ისლამისტებმა ტუარეგები განდევნეს მალის ამ რეგიონში მდებარე კიდევ ერთი მოზრდილი ქალაქიდან - გაოდან. ამ ქალაქში მდებარეობს მეჩვიდმეტე საუკუნის იმპერატორის მოსამედასკის აკლამა. ისევე როგორც ტიმბუქტუს მავზოლეუმები, ასევე გაოდანში მდებარე იმპერატორის აკლამა იუნესკომ წინა კვირაში შეიტანა იმ კულტურული ძეგლების სიაში, რომლებსაც მალიში მიმდინარე არეულობების გამო განადგურება ემუქრება. მიმომხილველების აზრით, ისლამისტების ეს ვანდალური გამოხტომა შეიძლება იყოს სწორედ რეაქცია

საერთაშორისო ორგანიზაციის მიერ გამოვლენილ ყურადღებაზე.

გუშინ, გვიან საღამოს, გავრცელებული ცნობის თანახმად, ისლამისტები გუშინ შეუდგნენ ქალაქის ერთ-ერთი ყველაზე ცნობილი მეჩეთის სიდი იახის ნგრევას. იგი მეთხუთმეტე საუკუნეშია აგებული და ქალაქის სამი მეჩეთიდან ერთ-ერთია, რომელიც მთელ მსოფლიოშია ცნობილი.

ისლამისტების მიერ ტიმბუქტუში გამოვლენილი ვანდალიზმი შეიძლება შევადაროთ 21-ე საუკუნის დასაწყისში ავღანეთში მოხდარა "თალიბანის" მიერ ჩადენილ ანალოგიურ დანაშაულს მსოფლიო მექვიდრეობის წინაშე, როდესაც მათ კლდეში ნაკვეთი გიგანტური ბუდისტური ქანდაკებები არტილერიის გამოყენებით დაანგრიეს. ეს მოხდა ამერიკაზე "ალ კაიდას" ტერორისტული თავდასხმიდან - ავღანეთში ნატო-ს შეჭრამდე პერიოდში.

ავღანეთში ნატო-ს სამი სამხედრო მოკლეს

ავღანეთის სამხრეთ ნაწილში პოლიციის ფორმაში გადაცემულმა შეიარაღებულმა პირმა ნატო-ს სამი სამხედრო მოკლა. თავად თავდასხმელი დაჭრილია. კოალიციის ძალების ოფიციალურ წარმომადგენელს არ განუცხადებია, რა ეროვნების არიან დაღუპული ჯარისკაცები. როგორც წესი, ამას დაღუპულების ოჯახის წევრებისთვის ტრავიკული ამბის შეტყობინებამდე არ აცხადებენ. როგორც აღნიშნავენ, თავდაპირველად გაარკვევენ, იყო თუ არა თავდასხმელი სინამდვილეში პოლიციელი. 2012 წლის დასაწყისიდან ავღანეთის სამხედროების ფორმაში გადაცემულმა პირებმა ნატო-ს ოცზე მეტი სამხედრო მოკლეს.

თურქმენეთი აზერბაიჯანს საერთაშორისო სასამართლოთი ემუქრება

ოფიციალური აშხაბადი აზერბაიჯანს კასპიის ზღვაში არსებულ "ქიაფაზის" საბადოზე ბაქოს პრეტენზიების გამო საერთაშორისო სასამართლოთი დაემუქრა.

თურქმენეთის პოზიციის შესახებ 29 ივნისს ნავთობისა და გაზის მრეწველობის მინისტრმა კაკაგელი აბდიალევმა განაცხადა. მისი სიტყვებით, 2008 წელს აზერბაიჯანში თურქმენეთის პრეზიდენტ გურბანგული ბერდიმუჰამედოვის ვიზიტისას მხარეებს რაიმე შეთანხმების შესახებ ხელი არ მოუწერიათ. ამასთან, თურქმენეთმა სადავო საკითხების მოგვარების ინიციატივა წამოაყენა: "სამწუხაროდ, ამ ინიციატივას აზერბაიჯანის პასუხი არ მოჰყოლია," - აღნიშნავს მინისტრი. მან, ასევე ყურადღება გაამახვილა იმ ფაქტზე, რომ "თურქმენეთმა არაერთხელ მოსთხოვა აზერბაიჯანს, სამუშაოები შეეჩერებინა იმ რაიონებში, რომლის იურისდიქციაც ჯერ დადგენილი არ არის. კერძოდ, საუბარია ომარისა და ოსმანის საბადოებზე." "სამწუხაროდ, თურქმენეთს, გაეროს საერთაშორისო სასამართლოსადმი მიმართვის გარდა, გზა აღარ რჩება," - აღნიშნავს თურქმენი მინისტრი.

ორი კვირის წინ სადავო რაიონში სამუშაოებს ატარებდა თურქმენეთის გეოლოგიური კვლევების ხომალდი, რომელიც აზერბაიჯანის საზღვრო ძალების წარმომადგენლებმა გააძევეს. სადავო საბადო ორ ქვეყანას შორის საზღვაო საზღვარზე მდებარეობს. ბაქო აშხაბადს სთავაზობს, "ქიაფაზის" საბადოზე ერთობლივი მუშაობა დაიწყო, თუმცა აშხაბადი მას საკუთარ საბადოდ მიიჩნევს, ისევე როგორც აზერ-ჩირაგ-გიუნეშლის, რომელსაც აზერბაიჯანი 1994 წლიდან ამუშავებს.

"ირანი სამხედრო წრეებისას რაკეტებს გაუშვებს"

ამ კვირაში დაგეგმილი სამხედრო წრეების ფარგლებში ირანი რაკეტებს გამოცდის. აღნიშნულს შესახებ ირანული სააგენტო "მეჰრა" იუნესკო-ს მხარეში მდებარეობს დაღეს დაიწყო. "წრეების ფარგლებში, მოკლე, საშუალო და შორი რადიუსის რაკეტებს გამოიყენებენ, რომელსაც ქვეყნის მასშტაბით ასი სამიზნის მიმართულებით გაუშვებენ," - აცხადებს გენერალი ამირ ალი ჰაზიჯაბადი.

ეს განცხადება ევროკავშირის მიერ ირანისაგან ნავთობის შესყიდვაზე დაწესებული ემბარგოს ამოქმედებას დაემთხვა. სანქციების მიზანია, ირანმა ბირთვულ პროგრამაზე მუშაობაზე თქვას უარი. ქვეყნის საგარეო უწყობის 80 პროცენტი სწორედ ნავთობის ექსპორტზე მოდის. ირანი გამოვლენილი იმეორებს, რომ ბირთვული პროგრამის განვითარება მას მხოლოდ მშვიდობიანი მიზნებისათვის სჭირდება.

"გაერო დისიდენტს საუდის არაბეთიდან "ალ კაიდას" შავი სიიდან იღებს"

გაეროს დიპლომატის განცხადებით, მიუხედავად საუდის არაბეთის დიდი წინააღმდეგობისა, გაეროს უშიშროების საბჭოს კომიტეტი საუდის არაბეთის მოქალაქეს, დისიდენტ საად ალ-ფაქიჰს იმ სიიდან ამოშლის, რომელიც ის მოხვდა როგორც "ალ კაიდასთან" კავშირის მქონე პირი. ამ სიაში მყოფი პირების მიმართ გაეროს სანქციები აქვს დაწესებული.

როგორც დიპლომატი აღნიშნავს (მან ვინაობის გამხელა არ ისურვა), ფაქიჰის სიიდან ამოშლის შესახებ გადაწყვეტილება მას შემდეგ მიიღეს, რაც გაეროს უშიშროების საბჭოს სანქციების კომიტეტი გაეროს "ალ კაიდას" სიის ახალ ვარიანტზე ვერ შეთანხმდა.

ფაქიჰი აღნიშნულ სიაში 2004 წელს დაამატეს. როგორც ლონდონში მყოფმა ფაქიჰმა "როიტერს" განუცხადა, სიიდან ამოშლისათვის მას დიდი გარჯა დასჭირდა. როგორც არაბი დისიდენტი აცხადებს, რვა წლის განმავლობაში "სპარსეთის ყურის იმ ტრანზიტის მიერ მოწყობილი შეთქმულების მსხვერპლი გახდა, რომელიც ზესახელმწიფოების მხარდაჭერით სარგებლობენ."

ფაქიჰი ადრე საუდის არაბეთის უნივერსიტეტის პროფესორი იყო, რომელიც "არაბეთში ისლამური რეფორმების მოძრაობას" ხელმძღვანელობდა. იგი ირწმუნება, რომ მის ჯგუფს მხოლოდ მშვიდობიანი მიზნები ამოძრავებდა. ფაქიჰი საუდის არაბეთის ლიდერების კრიტიკით არის ცნობილი.

როგორც აღნიშნავენ, ამერიკა გაეროს უშიშროების საბჭოს იმ 11 ქვეყანას შორის იყო, რომლებიც საუდის არაბეთის პოზიციას იზიარებენ. ფაქიჰის სიიდან ამოშლას უშიშროების საბჭოს შემდეგმა ოთხმა ქვეყანამ დაუჭირა მხარი: დიდი ბრიტანეთი, გერმანია, სამხრეთ აფრიკა და გვატემალა.

მომავალ თამთა კახაძე

რუსეთი ცენტრალურ აზიას ომებით აზიანებს

პირველი გვირგვინი

რუსეთის პარლამენტის ზედა პალატის - ფედერაციის საბჭოს თავდაცვის და უშიშროების კომიტეტის წინაშე გამოსვლისას რუსეთის სახმელეთო ჯარების სარდალმა ვლადიმირ ჩირკინმა არ გამოორიცხა, რომ "ცენტრალური აზიის ქვეყნებს შორის ენერგეტიკის, წყლის და მინათსარგებლობის საკითხებში სახელმწიფოთაშორისი უთანხმოებების პროგნოზირებადი გამწვავების შეიძლება, წარმოიშვას ლოკალური შეიარაღებული კონფლიქტები უზბეკეთის, ტაჯიკეთის და ყირგიზეთის მონაწილეობით." მას არ დაუზუსტებია, რა შემთხვევაშია ეს შესაძლებელი. ამავდროულად მან კვლავ ისაუბრა იმ პრობლემებზე, რომლებიც წარმოიშვა ტაჯიკეთთან მოლაპარაკებებში რუსული სამხედრო ბაზის ქვეყანაში დატოვების შესახებ. ამ თემას ჩირკინი რამდენიმე დღის წინაც შეეხო

უუკოვსკი სამხედრო ტექნიკის გამოყენის გახსნაზე, რის შესახებაც "24 საათი" უკვე წერდა.

ტაჯიკეთის თავდაცვის სამინისტროში განაცხადეს, რომ ლოკალური სამხედრო კონფლიქტების შესახებ ვლადიმირ ჩირკინის ნათქვამი პოლიტიკურად არაკორექტულია. ტაჯიკი სამხედროების თქმით, რუს გენერალს შეეძლო, თავისი შემოთავაზება ინტეგრაციული სტრუქტურების, იგივე კოლექტიური უსაფრთხოების ხელშეკრულების ორგანიზაციის ან ორმხრივი შეხვედრის დროს გამოეხატა. მან კი ასეთი უსაფუძვლო პროგნოზის გასაკეთებლად საჯარო გამოსვლის ფორმა აირჩია, თან ეს განცხადება არანაირად ნაადგება შესაძლო უთანხმოებების მოგვარებას.

ტაჯიკმა სამხედროებმა კარგად იგრძნეს, რომ ჩირკინის სიტყვების მიზანი, ძირითადად, მათი "შეშინება" იყო, რადგან ბაზის მომავალზე მოლაპარაკებები მიმდინარეობს.

კებები მიიმდებ მიმდინარეობს. ტაჯიკეთის მხარემ განაცხადა, რომ ეს პროცესი დათქმულ რომში დასრულდება, თუ ორი სახელმწიფოს პოლიტიკური ხელმძღვანელობის შესაბამისი დირექტივა, კეთილი ნება და ურთიერთგაგება იქნება. სხვა სიტყვებით რომ ვთქვათ, მათ განცხადებაში არანაირი მინიშნება არ არის მოლაპარაკების წარმატებით დამთავრებაზე, თუ გარკვეული პირობები არ დაკმაყოფილდება. ეს კიდევ ერთხელ ადასტურებს, რომ ცენტრალური აზიის სახელმწიფოებს, რუსეთის გარდა, სხვისი იმედიც გაუჩნდათ.

ტაჯიკეთზე გავლენის მოსახდენად რუსეთს, ომით დაემუქრების გარდა, სხვა ბერკეტებიც აქვს, თუმცა კოლექტიური უსაფრთხოების ხელშეკრულების ორგანიზაციიდან უზბეკეთის გასვლა კრემლს ამაში ნამდვილად "დაეხმარა". თავის მხრივ, რუსი ექსპერტები (ჯერ ამის შესახებ ოფიციალურ

პირებს არაფერი უთქვამთ) მედიის საშუალებით უზბეკეთსაც "აშინებენ" სამომავლო სოციალურ-პოლიტიკური პრობლემების ესკალაციით და ავღანეთიდან ისლამისტების შემოტევით. თან დასძენენ, რომ არაბული სახელმწიფოების მსგავსად, მოვლენების ასეთი განვითარებისას მათ შეერთებული შტატების მხარდაჭერა ვერ დაიცავს. უფრო მეტიც, დასავლეთთან უზბეკეთის მეგობრობის შემთხვევაში ისლამისტებს ისლამ ქარიზმის რეჟიმის წინააღმდეგ საბრძოლველად, რუსი მიმომხილველების აზრით, "მეტი სტიმული" ექნებათ.

რუსეთის და კოლექტიური უსაფრთხოების ხელშეკრულების ორგანიზაციის ჩინოსნები კი ვერ მალავენ უკმაყოფილებას ორგანიზაციიდან უზბეკეთის გასვლის გამო, თუმცა ჩანს, რომ მათ რეალურად არაფრის შეცვლა შეუძლიათ - ყოველ შემთხვევაში, ამ ეტაპზე.

მოხილვასია თურქეთ-სირიის საზღვარზე

ხატუნა ბაჩიანი

ჟენევის კონფერენციის შემდეგ სირიის ოპოზიციის გაერთიანებისკენ მოუწოდა არაბულ სახელმწიფო ლიგამ. ლიგის გენერალური მდივანი ნაბილ ალ-არაბი სიტყვით კაიროს ფორუმზე გამოვიდა, რომელშიც მონაწილეობდა დაახლოებით 250 ოპოზიციონერი, როგორც სირიიდან, ასევე მეზობელი ქვეყნებიდან. კოფი ანანის ახალი გეგმა, რომელსაც ხელი ფორუმის მონაწილეებმა რუსეთისა და ჩინეთის დაყენებული მოთხოვნის შედეგად შეტანილი ცვლილებების შემდეგ მოაწერეს, საერთაშორისო საზოგადოებას მაინც არადამაკმაყოფილებლად მიჩნია.

საუბარია სირიის გარდამავალი მთავრობის შექმნაზე, რომელშიც იქნებიან, როგორც ოპოზიციონერები, ასევე მმართველი რეჟიმის წარმომადგენლები. თავდაპირველად, გეგმა ბაშარ ალ-ასადის გამორიცხვას ითვალისწინებდა დროებითი მთავრობიდან, რასაც მხარს დასავლეთი და არაბულ სახელმწიფო ლიგაც უჭერდა, მაგრამ ამ ფორმით შეთანხმება მიუღებელი აღმოჩნდა ოფიციალური მოსკოვისა და პეკინისთვის. ნაბილ ალ-არაბის განცხადებით, ჟენევის დოკუმენტი მოლოდინს ვერ ამართლებს, რაშიც არაბულ ლიგას სტამბულში მყოფი სირიის ნაციონალური საბჭოც ეთანხმება. სირიის ოპოზიციის ყველაზე გავლენიანი გაერთიანება რიგი პოზიტიური ცვლილების მოუხდევად, გეგმას მეტისმეტად განზოგადებულს უწოდებს. ქვეყნის მმართველი რეჟიმის მონაწილე დევნებს ყველაზე მეტად არ მოეწონათ ის ფაქტი, რომ ხელმძღვანელ გეგმაში კონკრეტულად არ არის განხილული პრეზიდენტი

ბაშარ ალ-ასადის ხელისუფლებიდან წასვლის მოთხოვნა.

თუმცა, ოფიციალური პარიზი იმედოვნებს, რომ ჟენევის შეთანხმება პრეზიდენტის თანამდებობიდან ასადის წასვლის წინაპირობა გახდება. როგორც ტელეკომპანია "ტიუფ 1"-თან ინტერვიუში საფრანგეთის საგარეო საქმეთა მინისტრმა ალნიშნა, ჟენევის დოკუმენტი ბაშარ ალ-ასადის გადაყენებას გულისხმობს. **"შეიქმნება ახალი გარდამავალი მთავრობა, რომელსაც სრული უფლებამოსილება გადაეცემა, მასში არ იქნება ბაშარ ასაადი, რადგან შემადგენლობა დაკომპლექტდება იმ ხალხისგან, ვისი კანდიდატურებიც საყოველთაო მონონებას დაიმსახურებს"**, - ნათქვამია დოკუმენტის ტექსტი. ლორან ფაბიუს თქმით, სირიის ოპოზიციამ არაფერს დათანხმდება ასადის კანდიდატურაზე და ირიბად ეს შეთანხმება იძლევა იმის სიგნალს, რომ ასადა თანამდებობა უნდა დატოვოს უმოკლეს ვადებში.

ბაშარ ალ-ასადის გადადგომის აუცილებლობაზე ჟენევაში ამერიკის შეერთებული შტატების სახელმწიფო მდივანმა ჰილარი კლინტონმაც ლიად განაცხადა. 30 ივნისს მიღებულმა დოკუმენტმა ხელი მშვიდობის დამყარებასაც რომ ვერ შეუწყოს ის ფაქტიც მოწმობს, რომ სრულ სირიის სხვადასხვა ქალაქში და გამალებული სამხედრო მობილიზაცია თურქეთის საზღვრო პერიმეტრზე ამ დრომდე გრძელდება. ოფიციალურ ანკარას უკვე მოუხდა 6 ერთეული "ეფ-16" ტიპის გამანადგურებელი მობილიზება საზღვარზე, როდესაც სამჯერ გამოჩნდნენ საზღვართან სახიფათო სიახლოვეზე სირიის სამხედრო ვერტმფრენები. მართალია, მათ თურქეთის საჰაერო სივრცე არ დაურღვევიათ, მაგრამ განგაშისთვის მათი მიახლოებაც სრულიად



საკმარისი გახდა. თურქეთმა ოთხი გამანადგურებელი ინჯირლიკის, ორიც - ბატმანის ბაზიდან გაუშვა.

თურქეთის შეფოთება სრულიად გასაგები ხდება თუნდაც მას შემდეგ, რაც ბრიტანულმა პრესამ საერთაშორისო საჰაერო სივრცეში სირიის მხრიდან ჩამოგდებული თურქული სადაზვერვო თვითმფრინავის შესახებ ახალი დეტალები გაავრცელა. "სანდი ტაიმის" მონაცემებით, რაც დიპლომატიურ წყაროებს ეყრდნობა, ინციდენტთან თავისუფლად შეიძლება

დაკავშირებული ყოფილიყო რუსეთი. **"აშკარად გამოიკვეთება რუსული კვლი. ჩვენ არ გავიკვირდებოდა თუ კი რუსი სპეციალისტები იდგებოდნენ სირიელი ოფიცრების გვერდით ინციდენტის დროს, თუნდაც რომ არ დაეჭირათ ხელი ლილაზე რუსებს"**, - მოყავს ბრიტანულ გამოცემას ერთ-ერთი ახლოაღმოსავლელი დიპლომატის ციტატა. "სანდი ტაიმის" ანონიმური წყაროს შეფასებით, თურქული "ეფ 4 ფანტომის" ჩამოგდება შესაძლოა გავიგოთ როგორც ჩრდილოატლანტიკური

ალიანსისთვის გავზავნილი გაფრთხილება - თავი შეიკავოს სირიის საზღვრებთან მიახლოებისგან.

როგორც 22 ივნისის ინციდენტის შემდეგ თურქეთის პრემიერ-მინისტრმა რეჯებ ტაიპ ერდოღანმა განაცხადა, სირიის მხრიდან თურქეთის საზღვართან მიახლოება კი საფრთხედ იქნება აღქმული. ახალი ინსტრუქცია პოტენციურ საფრთხეზე რეაგირებისთვის უკვე გააცნეს საჯარისო ნაწილებსაც. საინფორმაციო სააგენტო "ასოშიეტედ პრესის" თანახმად, სასაზღვრო ზონასთან სახიფათო მანძილზე გაკეთებული განცხადებებში თურქმა სამხედროებმა აღნიშნეს, რომ სირიის ვერტმფრენებმა საზღვრიდან 6,5 კილომეტრის დაშორებით გაიფრინეს.

რაც შეეხება თავად სირიაში მიმდინარე მოვლენებს, დამაკუსა და ჰომსში ორმხრივი სროლის პერმანენტულობის გარდა, საგანგაშოა ის ფაქტიც, რომ ჰომსში სამთავრობო ძალების ტყვეობაში რჩება 800-მდე ოჯახი, რომელიც ტყვეების ზუზუნში ამაოდ ელის ჰუმანიტარულ დახმარებას. ჟენევის დოკუმენტის თანახმად, სირიაში სრული მასშტაბით უნდა განახლდეს გაერთიანებული ერების ორგანიზაციის სადამკვირვებლო მისიის მუშაობა, რომელიც დროებით შეწყვეტილი იყო და ახალ მითითებებს ელოდა საერთაშორისო საზოგადოებისგან. მისიის ხელმძღვანელი რობერტ მუსტი უკვე დაბრუნდა დამასკოში და დამკვირვებელთა ჯგუფთან ერთად რამდენიმე საავადმყოფოს მონახულებაც შეძლო ორგანიზაციის თუმცა, სირიის დედაქალაქის მისადგომებთან განახლებული საარტილერიო ცეცხლის შემდეგ მისიის წარმომადგენლები იძულებულნი გახდნენ დროებით თავი შეეკავებინათ სახიფათო რაიონებში გადამადგილებისგან.

მექსიკაში არჩევნებს ოპოზიციის ლიდარი იბეზ

სალომე ჰანიაშვილი

საარჩევნო კომისიის მიერ გამოქვეყნებული წინასარი მონაცემების თანახმად, მექსიკის საპრეზიდენტო არჩევნებს ოპოზიციის კანდიდატი ენრიკე პენია ნიეტო იგებს. ორშაბათს გაერცვლებული ინფორმაციით, "ინსტიტუციონალურ-რევოლუციური პარტიის" ლიდერმა 38 პროცენტი მოიპოვა და დაახლოებით 7 პროცენტით უსწრებს მთავარ კონკურენტს, მეხიკოს ყოფილ მერს, 58 წლის ანდრეს მანუელ ლოპეს ობრადორს, რომელიც მემარცხენე დემოკრატიულ-რევოლუციურ პარტიას წარმოადგენს. მას ხმათა 31 პროცენტი აქვს. დაახლოებით 25 პროცენტი მოიპოვა მმართველი პოლიტიკური ძალის "ეროვნული მოქმედების პარტიის" ლიდერმა, 51 წლის ჟოსეფინა ვასკეს მოტამ. მცირერიცხოვანი პარტიის "ახალი ალიანსის" ლიდერმა გაბრიელ კუადრამ კი ხმათა მხოლოდ 4 პროცენტი მოიპოვა. მოქმედ პრეზიდენტს ფელიპე კალდერონს, კონსტიტუციის თანახმად, საკუთარი კანდიდატურის დაყენება აღარ შეეძლო. მას უკვე მეორე ვადა უმთავრდება.

45 წლის ნიეტო არჩევნებში მონაწილე

კანდიდატებს შორის თავიდანვე ფავორიტად მიიჩნეოდა. პარტია, რომელსაც ის წარმოადგენს, ქვეყანას 71 წელი მართავდა, სანამ 2000 წელს არჩევნებში არ დამარცხდა. საპრეზიდენტო არჩევნებთან ერთად, მექსიკაში კონგრესის და რამდენიმე გუბერნატორის არჩევნებიც ტარდებოდა. კერძოდ, ცნობილი უნდა გახდეს 128 სენატორისა და ქვედა პალატის 500 დეპუტატის ვინაობაც.

ქვეყნის ფედერალური საარჩევნო ინსტიტუტის განცხადებით, არჩევნები სერიოზული ინციდენტების გარეშე ჩატარდა და ამომრჩეველთა მაღალი აქტივობა აღინიშნებოდა. სულ ამომრჩეველთა სიაში 80 მილიონი ადამიანი იყო რეგისტრირებული. ძირითადი საარჩევნო უბნები დაიხურა ადგილობრივი დროით 18:00 საათზე, ხოლო რეგიონების ნაწილში - 1-2 საათით გვიან. წინასწარი შედეგები ხმების მთლიანად დათვლის შემდეგ დღესვე იქნება ცნობილი. არ არის მითითებული, მაგრამ შეიძლება საჭირო გახდეს მეორე ტური.

ქვეყნის ფედერალური საარჩევნო ინსტიტუტის განცხადებით, ოფიციალურად დადგენილი 143,1 ათასი საარჩევნო უბნიდან მხოლოდ ორი არ გაიხსნა სხვადასხვა მიზეზის გამო. ამასთან ერთად, არჩევნე-



ბის მსვლელობის დროს საარჩევნო უბნებს ათასობით პოლიციელი იცავდა, რათა თავიდან აეცილებინათ ნარკო-დილერების

მოსალოდნელი თავდასხმები. თუმცა, ოფიციალური ინფორმაციით, არჩევნებმა ექსცესების გარეშე ჩაიარა.

ბიზნესი

უძველესი ბრიტანული ბანკი BARCLAYS-ი სკანდალში ეხვევა

თინა შავაძე

უძველესი ბრიტანული ბანკის Barclays-ის დირექტორთა საბჭოს თავმჯდომარემ მარკუს ეიდზოუსმა დაადასტურა, რომ თანამდებობას ტოვებს. "ბი-ბი-სი"-ს ინფორმაციით, ეიდზოუსის გადადგომის შესახებ საუბრები აქტიურად დაიწყო გასულ კვირას, როცა Barclays-ი სავალუტო ბაზარ Libor-თან დადებული გარიგებების გამო 452 მილიონი დოლარით დააჯარიმეს.

ამჟამად, სავალუტო ბაზარ Libor-ის განაკვეთების შესახებ მიცემული რეკომენდაციების საქმეზე დაწყებული გამოძიება ბრიტანული ბანკის წინააღმდეგ. საუბარია რამდენიმე ბანკის გარიგებაზე, რათა საბანკო საპროცენტო განაკვეთები დაბალ დონეზე დაფიქსირებულიყო.

ბევრი ექსპერტი არ გამოირცხავს, რომ პოსტს Barclays-ის პრეზიდენტი ბობ დიამონდიც დატოვებს. ის ოთხშაბათს მოხსენებების წარდგენა თემთა პალატის ფინანსთა კომიტეტის წევრების წინაშე.

კომიტეტს ხუთშაბათს მარკუს ეიდზოუსიც მისცემს ჩვენებას. მისი თქმით, სკანდალმა "ბანკის რეპუტაციას გამა-

ნადგურებელი დარტყმა მიაყენა". Barclays-ი აპირებს, სრულყოფილი აუდიტორული შემოწმება ჩატაროს, რომელიც ყველასთვის ხელმისაწვდომი იქნება.

დიდი ბრიტანეთისა და ამერიკის შეერთებული შტატების რეგულატორების მონაცემებით, Barclays-ი საბანკო სესხების ღირებულების შესახებ არასწორ ინფორმაციას ავრცელებდა და ამ გზით მოგების გაზრდასა და საიმედო იმიჯის შენარჩუნებას ცდილობდა.

დიდი ბრიტანეთის საფინანსო ზედამხედველობის სამსახური ვარაუდობს, რომ ბანკთაშორისი დაკრედიტების მაჩვენებლები ყველაზე სერიოზულ მანიპულირებას ადგილი ჰქონდა 2005 და 2009 წლებს შორის.

Barclays-ი საბანკო აქტივების სიდიდით დიდი ბრიტანეთში მეორე ბანკია. მისი ისტორია 300 წელს ითვლება. Barclays-ის საბანკო ჯგუფის წინდა ზარალმა 2012 წლის 1 კვარტალში 337 მილიონი ფუნტი (543,7 მილიონი დოლარი) შეადგინა, მაშინ როცა გასული წლის შესაბამის პერიოდში ბანკმა 1.24 მილიარდი ფუნტის წინდა მოკვება მიიღო.

ბოლო დღეებში ბრიტანული გაზეთების მთავარი თემა ბრიტანეთის წამყვანი



ბანკების გარშემო დაწყებული სკანდალია. გაზეთი Times-ი აქვეყნებს სტატიას სათაურით - "ბარკლეის ბოსი მიდის, მაგრამ სკანდალი ღრმავდება."

გაზეთის ცნობით, უკვე ორშაბათიდან ბანკს აღარ ეყოლება დირექტორთა საბჭოს ამჟამინდელი თავმჯდომარე, თუმცა ეს მხოლოდ პირველი მსხვერპ-

ლია. გაზეთი Independent-ი თავის სარედაქციო კომენტარში წერს, რომ ბევრი ბრიტანული ბანკი შესაძლოა, ინვესტიორების მხრიდან ძვირადღირებული სარჩელების ობიექტი გახდეს. უცხოეთში ბრიტანული ბანკების რეპუტაციის შელახვა კი ქვეყნის მთელ ფინანსურ სექ-

ტორს უზარმაზარ ზარალს მოუტანს.

გაზეთი ასევე აქვეყნებს ინტერვიუს ცნობილ ამერიკულ ეკონომისტთან, ნობელის პრემიის ლაურეატ ჯოზეფ სტიგლიცთან, რომელიც აცხადებს, რომ საკუთარი დაუსჯელობით გათამამებული ბანკირები საზოგადოების კონტროლქვეშ უნდა აღმოჩნდნენ.

მისი აზრით, ამ გზაზე პირველი ნაბიჯი იქნება ოურიდიული პასუხისმგებლობის გავრცელება ბანკირებზე მათი "სიხარბისა და სისულელის" გამო. "მოდი, რამდენიმე ბანკირი ციხეში ჩავსვათ, ეს სხვებს ასწავლის, რომ უფრო ფრთხილად იმოქმედონ," - აცხადებს ეკონომისტი.

ცნობისათვის - აშშ-ს, ევროპისა და აზიის რეგულატორებმა გასულ კვირას მსოფლიოს რამდენიმე უმსხვილესი ბანკის შემოწმება დაიწყეს. ისინი ეჭვმიტანილები არიან ბანკთაშორისი დაკრედიტების განაკვეთების მანიპულირებაში. რეგულატორები ფიქრობენ, რომ ამგვარმა მაქინაციებმა გავლენა მოახდინა სესხის საპროცენტო განაკვეთზე და მილიონობით კლიენტის ხარჯები გაზარდა.

"ბი-ბი-სი"-ს ინფორმაციით, ბანკებს შორის, რომლებიც შემოწმებას გადინან, Citigroup, JP Morgan და Deutsche Bank არიან.

ჩემი ანატომია



ესპანეთის ნაკრები მორიგ ტიტულს ზეიმობს

პირველი გზაჯიშა

ევრო 2012-ზე გამართული მატჩების ნახევარი, მათ შორის, ფინალიც და მეოთხედფინალიც "ფურია როხამ" ეგრეთ წოდებული "ცრუ ფორვარდით" (ამ ფუნქციას სესკ ფაბრეგასი ასრულებდა) დაინყო. ეს მოდელი ტურნირის მსვლელობისას ჩამოყალიბდა. ევრო 2012-ის დაწყებამდე გამართულ სამ სპარინგში ესპანეთის ნაკრების სამწვრთნელო შტაბმა შეტყვის რამდენიმე ვარიანტი გამოცადა, თუმცა, არც ერთ მათგანში არ იგულისხმებოდა ფაბრეგასი "ცრუ ცხრა ნომრად". შექმნილ ვითარებაში პარადოქსულიცაა, რომ ტურნირის საუკეთესო ბომბარდირი გახდა ფერნანდო ტორესი, რომელმაც მინდორზე სულ რაღაც 189 წუთი გაატარა. ეს თითქმის ორი სრული მატჩია. ასეთი სიურპრიზების შემოთავაზება შეუძლია დღევანდელ ესპანეთის ნაკრებს - მთავო ტურნირი ცენტრფორვარდის გარეშე და შენი გუნდის მთავარი ცენტრფორვარდი ტურნირის საუკეთესო ბომბარდირი გახდეს. პარადოქსია? რა თქმა უნდა, მაგრამ ესპანეთის ნაკრებს ხომ შეუძლებელი შეუძლია.

ესპანური პაუზა

მომთხოვნ პუბლიკას ტურნირის მსვლელობისას ესპანეთის ნაკრების მიმართ ბევრი პრეტენზია ჰქონდა. ამბობდნენ, რომ ესპანეთი სანახაობას აღარ გვთავაზობს, რომ "ფურია როხა" თავისი მოკლე პასებით მოსაბეზრებელი და მოსაწყენი გახდა. აღფრთოვანებას იწვევდნენ ტურნირის სხვა მონაწილეები: ჯგუფური ეტაპის პირველ ტურში - რუსეთი, შემდეგ - საფრანგეთი, გერმანია, იტალია... თუმცა, გულშემამტკივართა ფავორიტები ერთიმეორის მიყოლებით თმობდნენ პოზიციებს და მათ თამაშს ხიბლი აკლდებოდა. ესპანელები კი მშვიდად მიდიოდნენ და სახული მიზნისკენ და სრული სიძლიერით გადამწყვეტ მატჩში წარმოაჩინეს თავი. ნახევარ-

ფინალში ესპანეთის ნაკრებს სანახაობა არ უჩვენებია, მაგრამ შთამბეჭდავი იყო თავად ის ფაქტი, რომ ესპანელებმა, რომლებსაც, პორტუგალიის ნაკრებთან შედარებით, ორი დღით ნაკლები ჰქონდათ დასასვენებლად, დამატებით დროში საოცრად მოუმატეს და რეალური ძალა სწორედ მაშინ აჩვენეს. ფინალი კი "ფურია როხას" საუკეთესო მატჩად იქცა. ასეთი რამ არც ისე ხშირად ხდება - ჩემპიონები საუკეთესო მატჩებს ფინალამდე თამაშობენ. ესპანეთის ნაკრებს კი აქვს უნიკალური ნიჭი, ფინალისთვის გავიდეს ფორმის პიკზე. ასე რომ, ესპანეთმა ხანგრძლივი პაუზა დაიჭირა და შემდეგ... იყო ფინალი.

ათი ნული

ევროპის ჩემპიონატზე გამართულ ექვს მატჩში ესპანელებმა მხოლოდ ერთი გოლი გაუშვეს, ისიც ტურნირის პირველ მატჩში. შესაძლოა, დაცვაში თამაშის ორგანიზება დღევანდელი ესპანეთის ნაკრების წარმატების მთავარი მიზეზიც იყოს.

უპრეცედენტო შემთხვევა - ევრო 2008-ის, 2010 წლის მუნდიალისა და ევრო 2012-ის ფლეი-ოფების ეტაპზე ესპანეთის ნაკრებმა მთლიანობაში ათი მატჩი გამართა. ახლა გაიხსენეთ, რამდენი გოლი გავიდა ამ თამაშებში ესპანელთა კარში. დაიხ, არც ერთი.

არადა, ევრო 2012-ის დაწყების წინ ამბობდნენ, რომ ესპანეთის ნაკრების ყველაზე სუსტი წერტილი დაცვაა. 2010 წელთან შედარებით ხომ "ფურია როხას" დაცვაში საგრძნობი ცვლილება მოხდა. კაპდევილას ნაცვლად მარცხენა ფლანგზე ხორდი ალბა გამოჩნდა, მარჯვენა ფლანგზე თამაშობდა სერხიო რამოსი, რომელმაც კარლეს პუიოლის ტრავმის გამო ცენტრში გადაინაცვლა და პიკეს შეუწყვილდა (პიკე და რამოსი ის ორი მცველია, რომლებმაც 2010 წლის მუნდიალზე ესპანეთის ნაკრების ძირითადში ითამაშეს), მარჯვენა ფლან-

გზე კი ალვარო არბოლა გამოჩნდა. მეტიც, არბოლა და ხორდი ალბა ნაკრების დებიუტანტებადაც შეიძლება ჩაითვალოს. მიუხედავად ამისა, ესპანეთის ნაკრების დაცვის თამაში სამაგალითო იყო, მაგრამ არც ის უნდა დაგვავიწყდეს, რომ როდესაც გუნდს ჰყავს ისეთი ნახევარდაცვა, როგორც "ფურია როხას", მცველებზე არც ისე დიდი დატვირთვა მოდის.

ტოკერი

მთელი შესარჩევი ციკლის განმავლობაში ვისენტე დელ ბოსკეს მთავარი პრობლემა დაცვის მარცხენა ფლანგი იყო. საკვალიფიკაციო ეტაპის ბოლო მატჩში, რომელიც ესპანელთათვის არაფერს წყვეტდა, დელ ბოსკემ ხორდი ალბა გამოცადა. ამ შემთხვევაში დამსახურებას ნუ დაუუკარგავთ "ვალენსიას" თავკაცს უნაი ემერის. მან მარჯვენა ჰაბეკ ხორდი ალბაში მარცხენა მცველის ტალანტი აღმოაჩინა.

ევრო 2012-ზე ხორდი ალბა, რომელსაც თანაგუნდელთა შორის ნაკრებში თამაშის ყველაზე მცირე სტაჟი ჰქონდა, გუნდის ერთ-ერთი ლიდერად მოგვევლინა. ფინალამდე ესპანეთის ფერმკრთალ თამაშს სწორედ ხორდი ალბას აფეთქებები ალამაზებდა, ფინალში კი ამ ფეხბურთელმა საერთოდ გაიბრწყინა. საფრანგეთის ნაკრებთან მის მიერ ჩაბი ალონსოსთვის გაკეთებულ ულამაზეს პასსაც ნუ დავივიწყებთ. ფინალში გატანილმა მისმა მეორე გოლმა კი თამაშის ინტრიგა საბოლოოდ მოკლა. ექსპერტები იმასაც ამტკიცებენ, რომ ევროპის ჩემპიონატების ფინალების ისტორიაში მცველებს გოლები არა აქვთ გატანილი.

გაგაცნობთ ფინალური მატჩის შემდეგ მწვრთნელების მიერ გაკეთებულ კომენტარებს:

ვისენტე დელ ბოსკე (ესპანეთის ნაკრების მთავარი მწვრთნელი): "სანამ მატჩს შევაფასებდე, მინდა ვთქვა, რომ ხანდახან ყველა მარცხდება. იტალიის ნაკრებმა ტურნირი

ბრწყინვალედ ჩაატარა, დღეს კი მოტას ტრავმამ თამაში თითქმის მოკლა. ჩვენ კარგი მატჩი გავმართეთ, გავიტანეთ პირველი გოლი. ამის შემდეგ მეტოქე უფრო კარგად ათამაშდა და მეტად საშიშიც გახდა, მაგრამ ჩვენ ზეწოლა გავაგრძელებთ. ეს ისტორიული მიღწევაა ესპანური ფეხბურთისთვის.

ესაა ფეხბურთელთა დიდი თაობა. მათ იციან, როგორ უნდა ითამაშონ. ეს არის ესპანური ფეხბურთის ტრიუმფი. ოთხი წლის წინ ვენაში გამართულ ფინალში ლუის არაგონესმა გვიჩვენა ის გზა, საითაც უნდა წავსულიყავით.

ვფიქრობ, ჩვენ შევქმენით რაღაც ისეთი, რაც უნდა ფეხბურთში არ იყო. ამიტომ ამ გამარჯვებას ვუძღვნი ყველა იმ ადამიანს, ვინც ამ პროექტში მონაწილეობდა, ვისაც ჩვენი წარმატებისა სჯეროდა და ჩვენს სტილს აყალიბებდა. ახლა უკვე მომავალზე ვფიქრობთ. წინ კიდევ ბევრი ტურნირია: მსოფლიო ჩემპიონატის შესარჩევი ციკლი, კონფედერაციის თასის გათამაშება და, ცხადია, მსოფლიო ჩემპიონატის ფინალური ეტაპი" (11 სექტემბერს, მსოფლიო ჩემპიონატის შესარჩევი ციკლში, საქართველოს ნაკრებმა სწორედ ესპანეთის უნდა უმასპინძლოს თბილისში).

ჩეზარე პრანდელი (იტალიის ნაკრების მთავარი მწვრთნელი): "ფინალს დალილები შევხვდით. კიევში პარასკევ საღამოს ჩამოვდით, ევროპისა და მსოფლიო ჩემპიონების წინააღმდეგ ვთამაშობდით. მეორე ტაიმში რამდენიმე მომენტი შევქმენით, მაგრამ მოტას ტრავმის შემდეგ არაფერი აღარ გამოგვივიდა. ტურნირი შესანიშნავად ჩავატარეთ. საწყენია, რომ ორი დღით მეტი დასვენების საშუალება არ მოგვეცა.

ესპანელები კი ისტორიაში შევიდნენ. მათ უმაღლესი კლასის ბევრი მოთამაშე ჰყავთ და გამოკვეთილი ცენტრფორვარდის გარეშე ნებისმიერი გუნდის დაცვას დიდ პრობლემებს უქმნიან."

ევრო 2012-ის სიმბოლურში ათი ესპანელია

ევრო 2012-ის ოფიციალურმა საიტმა ტურნირის სიმბოლური ნაკრები დაასახელა. საერთოდ, ასეთ ტურნირებზე სიმბოლურ ნაკრებში 11 ფეხბურთელი შეჰყავთ ხოლმე, თუმცა, ევრო 2012-ის ორგანიზატორებმა სია გააფართოვეს - სიმბოლური ნაკრები 23 ფეხბურთელისგან შეადგინეს.

მეკარები: ჯანლუიჯი ბუფონი (იტალია), იკერ კასილასი (ესპანეთი), მანუელ ნოიერი (გერმანია)

მცველები: ხერარდ პიკე (ესპანეთი), ფაბიუ კონტერაუ (პორტუგალია), ფილიპ ლამი (გერმანია), პეპე (პორტუგალია), სერხიო რამოსი (ესპანეთი), ხორდი ალბა (ესპანეთი)

ნახევარმცველები: დანიელ დე როსი (იტალია), სტივენ ჯერარდი (ინგლისი), ჩავი (ესპანეთი), ანდრეს ინიესტა (ესპანეთი), სამი ხელირა (გერმანია), სერხიო ბუსკეტსი (ესპანეთი), მესუთ იოზილი (გერმანია), ანდრეა პირლო (იტალია), ჩაბი ალონსო (ესპანეთი)

თავდამსხმელები: მარიო ბალოტელი (იტალია), სესკ ფაბრეგასი (ესპანეთი), კრიშტიანუ რონალდუ (პორტუგალია), ზლატან იბრაჰიმოვიჩი (შვედეთი), დავიდ სილვა (ესპანეთი).

ინიესტა ევრო 2012-ის საუკეთესო ფეხბურთელია

"ბარსელონასა" და ესპანეთის ნაკრების ნახევარმცველი ანდრეს ინიესტა უფას კომპეტენტური ჟიურის მიერ ევრო 2012-ის საუკეთესო ფეხბურთელად იქნა დასახელებული.

"ტურნირის საუკეთესო ფეხბურთელად ანდრეს ინიესტას დასახელება ხაზს უსვამს, რომ ჩვენ კრეატიული და შემტევი ფეხბურთის მიმდევრები ვართ", - ამბობს უფას ტექნიკური დირექტორი ენდი როქსბურგი.

შენგელიას ბრუკლინური პერსპექტივა

მას შემდეგ, რაც NBA-ს დრაფტზე "ფილადელფიას" მიერ არჩეული თორნიკე შენგელია "ბრუკლინ ნეთსსა" იყიდა, ამ გუნდის მენეჯერმა ბილი კინგმა განაცხადა, რომ თორნიკეს ერთი სეზონით ევროპაში გაუშვებდა სათამაშოდ, მაგრამ ვითარება სწრაფად შეიცვალა. გაზეთ "ვაშინგტონ პოსტს" ესაუბრა შენგელიას აგენტი გაი ცუპერი, რომელმაც განაცხადა, რომ თორნიკე საზაფხულო ლიგაზე "ნეთსის" რიგებში ითამაშებს და ბრუკლინური გუნდის ხელმძღვანელებს დაუმტკიცებს, რომ NBA-ში თამაშის ღირსია.

"ვიცი, რომ "ნეთსს" სურს შენგელიას დატოვება, მაგრამ საბოლოო გადაწყვეტილებას ორლანდოს კემპის შემდეგ მიიღებენ. მას ამ გუნდთან არასდროს უფარჯიშია, "ნეთსის" მწვრთნელის შენგელია საქმეში არ უნახავთ. საინტერესოა, რას იტყვიან ისინი მას შემდეგ, რაც შენგელიას თამაშს უშუალოდ ნახავენ. თუ შენგელიას ევროპაში დააბრუნებენ, ამ გადაწყვეტილებას მოგვიანებით მიიღებენ. საინტერესოა იქნება შენგელიას თამაში ორლანდოს საზაფხულო ლიგაზე. შენგელიამ ერთხელ უკვე გამოაჩინა კარგი თვისებები, როცა ის ტრევიზოს კემპზე იყო. ახლა კი უფრო სერიოზული გამოცდა ელის. ის ორლანდოში ჯუ-ლიან რაიტთან და ადამ მორისონთან ერთად ითამაშებს. იქ გამოჩნდება, ჯობს თუ არა შენგელია წინა დრაფტზე "ნეთსის" მიერ აყვანილ ამ მოთამაშებს. თორნიკე ძალიან მიზანდასახული და გონებაბაზვილურად მოთამაშე კალატურთელია. ვფიქრობ, ის ტოლს არავის დაუდებს".

ნიყარაძე მსაჯობით უკმაყოფილოა

საქართველოს 20 წლამდელთა ნაკრებმა მსოფლიო ალაფაზე მესამე ადგილისთვის მატჩი ტონგელ თანატოლებთან დაძაბულ ბრძოლაში 29:31 დათმო. ამ თამაშის შემდეგ საქართველოს რაგბის კავშირის პრეზიდენტმა გია ნიყარაძემ რაგბის კავშირის ოფიციალური გვერდისთვის კომენტარი გააკეთა და აღნიშნა, რომ მსოფლიო ალაფაზე მსაჯობის დონე დაბალი იყო.

"გულდანწყვეტილები ვართ. ტონგელთა გუნდზე უკეთ ვითამაშეთ. სამწუხაროდ, ასეთ ძლიერ მონაწილემდეგსთან კაცნაკულულები დაგვართ, რასაც კლასში სხვაობა და დადლიობაც დაემატა. შეცდომები დაეუშვით, რაც მატჩის საბოლოო შედეგზე აისახა.

მარცხის მიუხედავად, ვთვლი, რომ კარგი ნაკრები გვყავს. შარშანდელთან შედარებით, გუნდმა უკეთესი თამაში აჩვენა. სამწვრთნელო შტაბის - იან სმიტის, ლადო კლასონიას და ირაკლი ჭყონიას მუშაობით კმაყოფილი ვარ. სამუშაო ბევრი გვაქვს და შეცდომების გამოსწორება რაც შეიძლება მალე უნდა დავიწყეთ.

შეგვეძლო როგორც მესამე ადგილისთვის მატჩის, ისე ტურნირის მოგება, მაგრამ მოხდა ის, რაც მოხდა.

ყოველთვის ვცდილობ, მსაჯობაზე კომენტარისგან თავი შევიკავო, მაგრამ ამჯერად ვიტყვი: მსაჯობა მთელი ტურნირის განმავლობაში იმდენად ცუდი იყო, რომ მატჩის შედეგზე დიდ გავლენას ახდენდა. მიმანია, რომ ფინალში იაპონელები უფრო იმსახურებდნენ გამარჯვებას. ვფიქრობ, მსაჯობასთან დაკავშირებით IRB-ში სერიოზული მსჯელობა უნდა დაინიშნოს. ასეთი მიდგომით რაგბი ვერ განვითარდება.

3 ივლისს, გამთენიისას, ნაკრები თბილისში დაბრუნდება, მე კი 5 ივლისს დანიამში, FIRA-ს კონგრესზე მივდივარ. ამის შემდეგ ჩავატარებ პრესკონფერენციას, რომელზეც ეროვნული ნაკრების ჩრდილოამერიკულ ტურნესა და 20 წლამდელთა მსოფლიო ალაფაზე ჩვენი ნაკრების გამოსვლაზე ვისაუბრებ. ასევე შევხვდებით გულშემამტკივრებს და მათთან ერთად განვიხილავთ ამ თამაშების პერიპეტებს", - აღნიშნა გია ნიყარაძემ.

ევრო 2012-ის ანბანი



ევროპის ჩემპიონატის დასრულების შემდეგ უფასო ოფიციალურმა გვერდმა ტურნირის ერთგვარი ანბანი შემოგვთავაზა.

Attendances (დასწრება): 1,4 მილიონზე მეტი გულშემატკივარი ადევნებდა თვალყურს ევროპის ჩემპიონატის მატჩებს უშუალოდ სტადიონის ტრიბუნებიდან. საშუალოდ ერთ თამაშს 46 471 ადამიანი ესწრებოდა. რეკორდი კიევის ოლიმპიურ სტადიონს ეკუთვნის. შედეგად ინგლისის მატჩს 64 640 გულშემატკივარი დაესწრო.

Blaszczykowski (ბლასჩიკოვსკი): პოლონეთის ნაკრების კაპიტანი რუსეთის ნაკრების კარში გატანილი ულამაზესი გოლის ავტორია.

Centurions (ცენტურიონი): ევრო 2012-ზე ნაკრებში გამართული მატჩების მხრივ ასთამაშიან ბარიერს გერმანელმა ლუკას პოდოლსკიმ და ესპანელმა ჩაბი ალონსომ გადააბიჯეს. ეს საიუბილეო თარიღი ორივემ გოლით აღნიშნა. ესპანეთის ნაკრების მეკარე იკერ კასილასმა ფინალის მოგებით "ფურია როხას" მაისურით მესამე მატჩი მოიგო.

Deluge (ნარღვნა): საშინელი წვიმის გამო უკრაინა-საფრანგეთის თამაში შეწყდა და მხოლოდ 58 წუთის შემდეგ განახლდა.

East (აღმოსავლეთი): ევროპის ჩემპიონატი პირველად გაიმართა აღმოსავლეთ ევროპაში. ტურნირს, რომლის დევიზი იყო "შევექმნათ ისტორია ერთად" პოლონეთმა და უკრაინამ უმასპინძლეს.

Fanzones (ფან-ზონები): 5 მილიონზე მეტმა ქომაგმა ადევნა თვალყურს ევრო 2012-ს სპეციალურად შექმნილი ფან-ზონებიდან.

Goals (გოლები): ტურნირის 31 მატჩში გავიდა 76 გოლი.

Headers (თავით გატანილი გოლები): ევრო 2012-ზე თავით ბევრი გოლი გავიდა. ტურნირის პირველი გოლი პოლონელმა რობერტ ლევანდოვსკიმ სწორედ თავით შეაგდო. სულ თავით 22 გოლი გავიდა - გოლების მთლიანი რაოდენობის 22 პროცენტი.

Irish (ირლანდიელები): 24 წლის განმავლობაში პირველად ირლანდიის ნაკრებმა ევროპის პირველო-

ბის ფინალურ ეტაპზე ითამაშა და ჯგუფიდან გასვლის შანსი პირველმა დაკარგა. სამაგიეროდ ირლანდიის ნაკრების ფანები ტურნირის საუკეთესო ფანებად აღიარეს.

Junior (იუნიორები): ჰოლანდიელი ჯეტრო უილიამსი ევროპის ჩემპიონატების ისტორიაში ყველაზე ახალგაზრდა ფეხბურთელია, რომელსაც ფინალურ ეტაპზე უთამაშა. დანიის ნაკრებთან გამართულ მატჩში უილიამსი 18 წლის და 71 დღის იყო. ინგლისელი დანი უელბეკი კი ტურნირის ყველაზე ახალგაზრდა მეგოლეა (უელბეკი 21 წლისაა).

Keepers (მეკარეები): პოლონელმა პშემისლავ ტიტონმა ტურნირის პირველ მატჩში გაძევებული შჩესნი შეცვალა, გავიდა მინდორზე და პენალტი მოიგერია. არანაკლებ შთამბეჭდავად ითამაშეს ბუფონმა და კასილასმა. "იუვეს" მეკარემ თავისი ოსტატობა მეოთხედფინალში პენალტების სერიაში გამოავლინა, კასილასმა კი ტურნირზე მხოლოდ ერთი გოლი გაუშვა.

Legacy (მემკვიდრეობა): ტურნირის შემდეგ პოლონეთსა და უკ-

რაინას ოთხ-ოთხი მსოფლიო დონის სტადიონი დარჩა. დაიხვენა ამ ორი ქვეყნის ინფრასტრუქტურაც.

Mascots (ავგაროზები): სლავეკი და სლავეკო ევრო 2012-ზე ნებისმიერ ადგილას შეიძლება გენახათ.

Nul points (ნული ქულა): სწორედ ამდენი ქულა აღმოჩნდა ჰოლანდიის ნაკრების აქტივში ჯგუფური ეტაპის შემდეგ. პირველად ჰოლანდიური ფეხბურთის ისტორიაში "ნარინჯისფერებმა" ტურნირი ნული ქულით დატოვეს.

Oldies (ასაკოვნები): საბერძნეთის ნაკრების 38 წლის მეკარე კოსტას ხალკიასი ევრო 2012-ის ყველაზე ასაკოვანი ფეხბურთელია. მისი თანაგუნდელი გეორგიოს კარაგუნისი კი - ერთ-ერთი ყველაზე ასაკოვანი მეგოლე. ის სულ რაღაც სამი წლით უმცროსია ყველაზე ასაკოვან მეგოლე, 35 წლის ანდრეი შევეჩენკოზე.

Penalties (პენალტები): ანტონინ პანენკას სტილში შესრულებული პენალტით ანდრეა პირომ ინგლისის ნაკრების დემორალიზაცია შეძლო. ანალოგიური რამ სერხიო რამოსმა პორტუგალიასთან მატჩში

გაიმეორა.

Quitting (გადადგომები): სლავენ ბილიჩმა და დიკ ადვოკატმა ჯერ კიდევ ტურნირის დაწყებამდე თქვეს, რომ თანამდებობას დატოვებდნენ. თავად ევროპის პირველობამ კი ბერტ ვან მარვეიკი და ლორან ბლანი შეინირა.

Record-breakers (რეკორდები): ესპანეთის ნაკრები პირველი გუნდია ფეხბურთის ისტორიაში, რომელმაც ევროპის ჩემპიონის ტიტული შეინარჩუნა და ზედიზედ სამი დიდი ტურნირი მოიგო. ვისენტე დელ ბოსკე პირველი მწვრთნელია, ვინც მსოფლიო ჩემპიონატის შემდეგ მოიგო ევროპის ჩემპიონატი და თან საკლუბო დონეზე ჩემპიონთა ლიგაც აქვს მოგებული.

Shevchenko (შევეჩენკო): უკრაინის ნაკრების მთავარმა ვარსკვლავმა პირველივე მატჩში დუბლი შეასრულა და გულშემატკივარი გაახარა, თუმცა, ამის შემდეგ "შევა" თავის გუნდს ვერაფრით ვეღარ დაეხმარა.

Twitter: ევროპის ჩემპიონატის ფინალს 16.5 მილიონი ტვიტი მიეძღვნა. ესპანელთა მეოთხე გოლის

შემდეგ ერთ ნამში 15358 გზავნილი გამოქვეყნდა.

Unexpected (მოულოდნელობა): თავისი სენსაციურობით ალბათ არაფერი შეედრება 1992 წლის ევროპის ჩემპიონატზე დანიელთა გამარჯვებას და 2004 წელს ბერძენთა ტრიუმფს. თუმცა ამ გუნდებმა ამჯერადაც გაგვაკვირვეს. ბერძნები ჯგუფიდან გავიდნენ, დანიელებმა კი პირველივე მატჩში ჰოლანდიის ნაკრები დაამარცხეს.

Viewers (მაყურებლები): ევრო 2012-ის ტელეტრანსლაციებს მთელი ევროპა და ევროპის ფარგლებს გარეთაც ადევნებდნენ თვალს. რუსეთ-პოლონეთის მატჩმა რეკორდული ტელეაუდიტორია შეაგროვა. მარტო ვარშავაში ამ თამაშს 14.7 მილიონი ადამიანი ადევნებდა თვალს.

Wow: სხვა რა უნდა თქვა ბლასჩიკოვსკის (რუსეთთან მატჩში), მარიო გომესის (ჰოლანდიასთან მატჩში), ზლატან იბრაჰიმოვიჩის (საფრანგეთთან მატჩში), სამი ხედირას (საბერძნეთთან მატჩში) და მარიო ბალოტელის (გერმანიასთან მატჩში) გოლების შემდეგ.

X-ფაქტორი: კრიშტიანუ რონალდუმ პორტუგალია ნახევარფინალში გაიყვანა, ანდრეა პირო ტურნირისთვის ფორმის პიკში შევიდა და ევრო 2012 თავისი თამაშით დაამშვენა, თუმცა, ეს ორი გენიოსი ჩოვისა და ინიესტას ჩრდილში აღმოჩნდა.

Youth (ახალგაზრდები): გერმანიის ნაკრები ყველაზე ახალგაზრდული იყო ევროპის ჩემპიონატზე. მეოთხედფინალში ბერძნების დამარცხებით გერმანიის ნაკრებმა ფეხბურთის ისტორიაში კიდევ ერთხელ ჩაწერა თავისი სახელი. ეს გერმანელთათვის ოფიციალურ მატჩებში მოპოვებული ზედიზედ მეოთხედივე გამარჯვება იყო.

Zoo (ზოოპარკი): ევრო 2012-ის მატჩების პროგნოზირებას ცხოველთა სამყაროს არაერთი წევრი ცდილობდა. სპილო ჩიტა, ტახი ფუნტიკი და ვინ მოთვლის, კიდევ რამდენი წინასწარმეტყველი გამოჩნდა. მოკლედ, ცხოველები რვა-ფეხა პაულის საქმე გრძელდება.

ფეტელი ფორმულა 1-ის უდიდესებს ასახელებს

გუდგუდში, ჩქაროსნული რბოლების ერთგვარ ფესტივალზე მყოფი "რედ ბულის" მრბოლელი, მსოფლიოს ორგზის ჩემპიონი, გერმანელი სებასტიან ფეტელი ურნალისტებთან საუბარში თანამედროვე ფორმულა 1-ის მრბოლელებს შორის უდიდესებს გამოყოფს, უფრო სწორად, მათ, ვისაც ასეთად მიიჩნევენ.

"იმ მრბოლელებს შორის, რომლებიც მსოფლიო ჩემპიონატში მონაწილეობენ, პირადად მე გამოვყოფდი ფერნანდო ალონსოს, რომელიც ყოველმხრივ ერთ-ერთი საუკეთესოა. ასეთთა შორის მიმჩნია ლუის ჰამილტონიც, რომელიც ძალიან, ძალიან სწრაფია. მაგრამ ბევრი სხვაცაა. მიხაელ შუმახერი ბრწყინვალე ფორმას წარმოგიდგენს, რადგან თავისი ნიჭი არ გაუნიავებია.

მიმდინარე სეზონში ბევრი მრბოლელია, რომლებიც შესაშური დონით გამოიჩინეს. ამიტომაც მჭიდრო კონკურენტული ორთაბრძოლები. ნუსხა დიდია, რადგან ბევრი გამარჯვებული გვყავს. დანარჩენებიც ღირსეულად ასპარეზობენ. მიუხედავად ამისა, მრბოლელის სიდიადეს მხოლოდ მისი სტატისტიკური მაჩვენებლებით არ განვსაზღვრავდი. რა თქმა უნდა, ტიტულები წარმატების განუყოფელი ნაწილია. თუ გავიხსენებთ წარსულის უდიდეს მრბოლელებს, ისეთებს, როგორებიც იყვნენ ალენ პროსტი, აირტონ სენა, ჯაკი სტიუარტი... მათ უამრავი ტიტული მოიუპოვეს.

მაგრამ არიან სხვებიც, რომლებიც გასოვთ, რადგან ჰქონდათ რაღაც განსაკუთრებული, სხვებისგან გამორჩეულები. ფორმულა 1-ის ყველა მრბოლელი ძალიან სწრაფია, მაგრამ მათ ერთ ნაწილს ჰქონდა ის თვისება, რომლის წყალობითაც ხალხს აინტერესებდა მათი ასპარეზობისთვის თვალის მიდევნება", - აღიარებს მსოფლიოს ჩემპიონი სებასტიან ფეტელი.

როდესაც "რედ ბულის" გერმანელ მრბოლელს ჰკითხეს, მაგალითისთვის ვინმე კონკრეტული დაესახელებინა, მან მიუთითა ავსტრიელ იოხენ რინდტზე, რომელიც სიკვდილის შემდეგ გახდა მსოფლიო ჩემპიონი. ფეტელმა აღნიშნა ჯიმი კლარკიც, რომელსაც, მისი სიტყვებით, ავტოსპორტის გულშემატკივრები დიდხანს არ დაივიწყებენ.

ზვიგენებთან პირისპირ

თავზეხელაღებულ ავსტრალიელს ხელი მოეცარა

ბიზა ბურასაჰვილი

ბრიტანული წარმოშობის ავსტრალიელ პენი პელფრის განზრახვაში მოეცარა ხელი. მცდელობა, გამხდარიყო პირველი ადამიანი, რომელიც ფლორიდის ყურეს (კუბასა და აშშ-ს შორის) გადაცურავდა ზვიგენებისგან დამცავი სპეციალური გალიით, წარუმატებელი გამოდგა.

49 წლის ქალბატონი, რომელიც უიმედოდ ებრძოდა ძლიერ დინებას, 166-კილომეტრიანი მარშრუტიდან 140 კილომეტრის გაცურვის შემდეგ იძულებული გახდა უარი ეთქვა განზრახვაზე. მანამდე კი დაახლოებით 40 საათი გაატარა წყალში. კუბის სანაპიროდან აშშ-მდე მანძილის გადასაცურად ნავარაუდევია იყო 56 საათი.

პელფრის თანმხლები ჯგუფის წევრების თქმით, შუალაშისას იძლებული გახდნენ, პირდაპირი მნიშვნელობით წყლიდან ამოეთრიათ, რადგან სპორტსმენი უკვე გათანგული იყო და შხამიანი მედუზებისგან ჰქონდა დამწვრობა. პენის წარმომადგენლის ანდრეა ვუდბერნის განცხადებით, ახლა ის ჯანმრთელადაა.



ფათერაკების მაძიებელ ავსტრალიელს იმედი ჰქონდა, რომ დაამხოდა თავისივე რეკორდს: შარშან, კაიმიანის კუნძულების რაიონში, გალის გარეშე, ჰიდროკოსტიუმით გაცურა 109 კილომეტრი.

პელფრიმ სტარტი აიღო კუბის სანაპიროდან, ჰავანის სიახლოვეს. როგორც დასაწყისში ვთქვეთ, დამცავი გალის გარეშე დაიწყო ცურვა, მაგრამ მთლად დაუცველიც არ ყოფილა - ზღვის მტაცებლების, განსაკუთრებით კი ზვიგენების

დასაფრთხობად პელფრის გუნდი იყენებდა სპეციალურ ელექტრომაგნიტურ ველს.

აშშ-ის სანაპიროს კუბისგან ჰყოფს ყურე, რომელიც ცნობილია ცვალებადი დინებით. მათ შორის ერთ-ერთია გოლფსტრიმი. გარდა ამისა, ამ წყლებში უამრავი ზვიგენი და შხამიანი მედუზაა.

პირველი, ვინც შეძლო არცთუ უხიფათო მანძილის გადალახვა, იყო 22 წლის ავსტრალიელი სიუზი მარონი, რომელმაც 1997 წელს მართონული გა-

ცურვით აალაპარაკა მსოფლიო (მაშინ მარონიმ ზვიგენებისგან დამცავი გალია გამოიყენა).

წლეულს ფლორიდის ყურის დამცავი გალის გარეშე გადაცურვის ორი წარუმატებელი მცდელობა ჰქონდა 62 წლის ამერიკელ დიანა ნაიადს. პირველად ასთმის შეტევამ ააღებინა ხელი განზრახვაზე, მეორედ კი სახისა და ხელის სერიოზული დამწვრობა მიიღო პორტუგალიურ ხომალდებთან - მედუზის მავნარ შხამიან არსებებთან კონტაქტისთვის.